

خطِ اولِ پولس بَلِدِه ایماندارای

قُرِنْتُس

پیشگفتار

خطِ اولِ پولس بَلِدِه ایماندارای شارِ قُرِنْتُس بخاطِرِ ازی نوشته شُد که دَ زِندگی و ایمانِ امْرُو جماعتِ ایماندار بعضی مشکلات دَ وجود آمدُد. بُنيادِ جماعتِ ایماندارِ قُرِنْتُس دَ ولايتِ آخِيَا دَ وسِيله پولس ايشته شُدد. شارِ قُرِنْتُس، مرکِ ولايتِ آخِيَا دَ أمپراطوري رُوم، يكى از شاراي نامدارِ یونان بُود. شارِ قُرِنْتُس بخاطِرِ اقتصادِ خُوب، فرهنگِ باله، فِسادِ اخلاقى ڪلو و مَذَهَب های مُختلف مشهور بُود.

پولس از طِريقِ بعضی ایماندارا دَ بارِه مشکلات که دَ جماعتِ ایماندارِ قُرِنْتُس پیدا شُدد خبر مُوشَه. دَ حینِ وخت يگ خط ام از طرفِ جماعتِ ایماندارِ قُرِنْتُس بَلِدِه شى میرَسَه که دَ بارِه ايمان و عملِ ایماندارای مسيح نوشتَه شُدد. اوخته پولس بَلِدِه

راهنمایی و جواب سوال های از وا د باره مَوضوَع های زیر

توره مُوگیه:

پولس د باره امزی مَوضوَع ها توره مُوگیه و نِشو میدیه که
چی رقم کِتابِ مُقدَّس د امزی سَوال ها جواب میدیه.

فصل سیزده که مشهورترین فصل امزی خط آسته، بطَرِ
واضح بیان مُونه که «مُحَبَّت» بهترین تُحفه خُدا بَلِدِه انسان ها
آسته.

فهرست عنوانها

- دعا و سلام (فصل ۱ آیه ۱)
- شُکرگُزاری پولس (۴:۱)
- بِإِتْفَاقٍ دَ جَمَاعَتِ اِيمَانَدَارَا (۱۰:۱۱)
- مسيح: قُدرَت و حِكْمَتِ خُدا (۱۸:۱)
- خِدمَتَگارَى خُدا (۱:۳)
- شِنَاسِ دُرْسَت از رَسُولَى مسيح (۱:۴)
- فِسْق و فِسَاد ره از بَيْن خُو دُور كُنِيد (۱:۵)
- فَيَصِلِه دعوا ها د مينكلِ بِرارُونِ اِيمَانَدَار (۱:۶)
- جِسم بَلِدِه عِبَادَتِ خُدا آسته (۱۲:۶)

د باره رابطه زن و شوی (۱:۷)

د فکر دیگرو بشید و از آزادی خو استفاده غلط نکنید
(۱:۸)

حق و اختیارات یگ رسول (۱:۹)

عیرت از سرگذشت اسرائیل (۱:۱۰)

دستورا د باره عبادت خاتونو (۲:۱۱)

مراسیم «نان شام مولا» (۱۷:۱۱)

یگ روح قد تُحفه های کلو (۱:۱۲)

یگ جسم قد اعضای کلو (۱۲:۱۲)

محبت (۱:۱۳)

تُحفه های پیشگویی و توره گفتوا د زیونای غیر (۱:۱۴)

نظم و ترتیب د جماعت ایماندارا (۲۶:۱۴)

دُوباره زنده شدون مسیح (۱:۱۵)

دُوباره زنده شدون مُرده ها (۱۲:۱۵)

جسم دُوباره زنده شده (۳۵:۱۵)

جم کدون کومک بله ایماندارای ضرورتمند (۱:۱۶)

نقشه پولس بله سفر آینده (۵:۱۶)

سلام های آخری (۱۹:۱۶)

۱ از طرف پولس که دَ خاست-و-اِرادِه خُدا دَ عنوانِ رسولِ عیسیٰ مسیح کُوی شُد و از طرف بِرار مو سوستینیس، ^۲ بَلِدِه جماعتِ ایماندارای خُدا که دَ شارِ قُرْنِتس آسته، بَلِدِه کسای که دَ وسیله مسیح عیسیٰ تقدیس شُده کُوی شُد تا از جُملِه مُقدَّسین بَشه قد تمامِ کسای که دَ هر جای نامِ مَولَای مو عیسیٰ مسیح ره مِیگِیره که ام مَولَای ازوا و ام مَولَای ازمو آسته. ^۳ فَیض و سلامتی از طرفِ آته مو خُدا و مَولا عیسیٰ مسیح نصیب شُمو شُنه.

شُکرگزاری پولس

۴ ما خُدای خُو ره همیشه بَلِدِه شُمو بخاطر فَیضی شُکر-و- سپاس مُوگُم که دَ وسیله عیسیٰ مسیح دَز مو دَده شُده، ^۵ چون شُمو از هر نِگاه دَ وسیله مسیح رسیده شُدید، دَ هر توره و دَ هر عِلم، ^۶ -- امُورِ رقم که شاهِدی دَ بارِه مسیح دَ مینکل شُمو مُستَحکم شُد -- ^۷ دَ اندازِه که شُمو از هیچ نعمتِ روحانی محروم نیستید دَ حالِیکه انتِظارِ ظهورِ مَولَای مو عیسیٰ مسیح ره مِیکشید. ^۸ او ام شُمو ره تا آخرِ اُستوار نِگاه مُوکنه تا شُمو

د روزِ پس آمدونِ مولای مو عیسیٰ مسیح بے عیب بشید.

^۹ خُدا و فادار آسته؛ او شُمو ره کُوی کد که قد باچه شی مولای مو عیسیٰ مسیح رفاقت داشته بشید.

بے اتفاقی د جماعتِ ایماندارا

^{۱۰} آی بِرارو، د نامِ مولای مو عیسیٰ مسیح از شُمو خاھش مُونُم که پگ شُمو اتفاق داشته بشید و د مینکل شُمو تفرقه نبشه، بلکه د یگ فِکر و یگ نظر اتحادِ کامل داشته بشید.

^{۱۱} چون آی بِرaron مه، از خانوارِ خلوئی د باره شُمو بَلدِه ازمه خبر رسیده که د مینکل شُمو جنجال پیدا شده. ^{۱۲} مقصد مه ای آسته که یگ شُمو مُوگیه: "ما از جمِ پولس آسمُ،" دیگه شُمو مُوگیه: "ما از جمِ آپولس آسمُ،" یگ دیگه مُوگیه: "ما از جم کیفا آسمُ." بعضی ام مُوگیه: "ما از جم مسیح آستُم." ^{۱۳} آیا مسیح تقسیم شده؟ آیا پولس بَلدِه شُمو د

صلیب میخکوب شده؟ ^{۱۴} خُدا ره شُکر مُونُم که بغیر از

کریسپس و گایوس دیگه هیچ کُدم شُمو ره غسلِ تعیید نَدَدُم ^{۱۵} تا هیچ کس گفته نَتَنه که د نامِ ازمه غسلِ تعیید گرفته.

آرے، خانوارِ استیفان ره ام غسلِ تعیید دَدُم، مگم بغیر امزیا دیگه د یاد مه نَمییه که ما کُدم کس ره غسلِ تعیید دَدَه بشُمُ.

چُون مسیح مَرَه رَبِّی نَكَد كَه غُسلِ تعمید بِدُم، بَلْكِه مَرَه
رَبِّی كَد تا خوش خبری ره اعلان كُنم، ولے نَه قد حِكمتِ
توره‌گویی تا پیغامِ صلیبِ مسیح بِـ تاثیر نَشَنَه.

مسیح: قُدرت و حِكمتِ خُدا

۱۸ دَ حِقِيقَتِ پیغامِ صلیب بَلْدِه کسای که نابُود شُدَنَی آسته يَگ
پیغامِ لَوْدَگَی يَه، مَكْمَن بَلْدِه ازمو که نِجَاتِ پَيَدا كَدَه، قُدرَتِ
خُدا آسته. ۱۹ چُون دَ كِتابِ مُقدَّس نوِشته يَه:

”دانایی آدمای دانا ره نابُود مُونُم“

و فامِیدگی آدمای فامِیده ره باطِل مُونُم.“

۲۰ پس كُجا يَه دانا؟ كُجا يَه عالِم؟ كُجا يَه كسى که بَحث كُنه
دَمْزِي زمان؟ آيا خُدا حِكمتِ دُنيا ره جهَالت جور نَكده؟ ۲۱ چُون
دَ مُطَابِقِ حِكمتِ خُدا، دُنيا از طریقِ حِكمتِ خود خُو خُدا ره
نَشِنَخت، امزی خاطر خُدا صَلاح دِيد که دَ وسِیله لَوْدَگَی پیغامِ
ازمو کسای ره که ایمان میره، نِجَاتِ بِدیه. ۲۲ یهودیا مُعجزه
طلب مُونه و یونانیا دَ جُسْتُجوی حِكمت آسته، ۲۳ لیکِن مو دَ

بَارِه مسیح که دَ صلیب میخکوب شُد، موعِظه مُونی که او

بَلَدِه یهودیا سنگ لَخَشِنْدُك آسته و بَلَدِه مردمای غَیر یهود
۲۴

لَوْذَگَى، مَكْمَ بَلَدِه کسای که کُوي شُدَه، چی یهود بشه، چی

غَير یهود، مسیح قُدرتِ خُدا و حِكمَتِ خُدا آسته. چون
۲۵

چیزی که دَ بَارِه خُدا لَوْذَگَى حِساب مُوشَه، او از حِكمَتِ انسان

کده حِکِيمَانَه تَر آسته و چیزی که دَ بَارِه خُدا ناتوانی حِساب

مُوشَه، از تَوانَيی انسان کده قَوَی تَر آسته.

۲۶ يگ نظر دَ وختِ کُوي شُدون خُو کُنِید، اوخته غَدر شُمو از

نِگاهِ انسانی دانا نَبُوْدِید، غَدر شُمو قُدرتَمنَد نَبُوْدِید و غَدر

شُمو نفرای نامُتو نَبُوْدِید. ۲۷ مَكْمَ خُدا چیزای ره که دُنيا لَوْذَه

مُوگیه، اِنتِخاب کد تا دانایو ره شرمنَدَه کُنه؛ و خُدا چیزای ره

که دُنيا ضعِيف حِساب مُوكَنه، اِنتِخاب کد تا زورُوها ره

شرمنَدَه کُنه. ۲۸ خُدا چیزای ره که دَ نظرِ دُنيا پَست و حَقِير

آسته اِنتِخاب کد، چیزای ره که هیچ دَ حِساب نَمیَيه، تا چیزای

ره که دَ حِساب مَيَيه، دَ هیچ برابر کُنه ۲۹ تا هیچ کس دَ حُضُورِ

خُدا دَ بَلَه خُو اِفتخار نَكَنه. ۳۰ از طَرِيقِ خُدا شُمو دَ مسیح

عیسیٰ تعلُق دَرِيد، که او از طرفِ خُدا بَلَدِه ازمو حِكمَت،

عدالت، قُدوسيَّت و فِديَه شُد. ۳۱ پس اُمو رقم که دَ كِتابِ

مُقدَّس نوِشته شُده: "هر کسی که افتخار مُونه، دَبَلِه خُداوند افتخار کُنه."

۲ آی بِرارو، وختیکه ما دَپیش شُمو آمدُم، ما قد توره های فوق العاده یا حِکمت نَمَدُم که رازِ خُدا ره بَلِه شُمو اعلان کُنم.
چُون ما تصمیم گِرفته بُودُم که دَمینکل شُمو هیچ چیزی ره نَدَنُم بَغَیر از عیسیٰ مسیح و ای که مسیح دَرُوی صلیب میخکوب شُد. ^۳ ما قد ضَعف و قد ترس و لرزِ کلو دَپیش شُمو آمدُم ^۴ و پیغام و مواعظِه مه قد تواری قانع کُننده و پُر حِکمت قَتَنی نَبُود، بلکه قد اظهارِ روح الْقُدُس و قُدرت شی بیان شُد ^۵ تا ایمان شُمو دَبَلِه حِکمتِ انسان اُستوار نَبَشه، بلکه دَبَلِه قُدرتِ خُدا.

۶ دَعَینِ حال، مو دَمینکل ایماندارای بالِغ از حِکمت توره مُوگَی، مگم نَه از حِکمتِ امزی عالم یا از حُکمرانی امزی عالم که نابُود شَدَنی آسته، ^۷ بلکه مو از حِکمتِ خُدا توره مُوگَی که یگ رازِ تاشه آسته که خُدا او ره پیش از شروع عالم ها بَلِه شِکوه-و-جلال از مو مُقرَر کده. ^۸ هیچ کَدم از حُکمرانی امزی عالم ای حِکمت ره نَفَامید، چُون اگه

مُو فَامِيد، مَولَى بُزْرَگِي-و-جَلَال رَه دَ صَلِيب مِي خَكُوب نَمُوكَد.

^٩ مَكْمَم اَمُورَقَم كَه دَ كِتَابِ مُقدَّس نَوِشَتَه يَه:

”چِيزِي رَه كَه هَيْچ چِيم نَديده و هَيْچ گَوش نَشِينِيده

و دَ فِكَرِ إِنْسَان نَكَشَتَه،

اَمُورِ چِيزِ رَه خُدا بَلَدِه دَوْسْتَدارِي خُو مُهَيَا كَدَه.“

^{١٠} خُدا اَمِي چِيزَا رَه دَ وَسِيلَه رَوحُ الْقُدُس بَلَدِه اَزْمو بَرَمَلا كَدَه،

چُون رَوحُ الْقُدُس تَمَامِ چِيزَا رَه كُنج-و-كاو مُونَه، حَتَّى غَوْجي

هَاي رَازِ خُدا رَه. ^{١١} چُون دَ مِينَكَلِ إِنْسَان هَاي كِي مِيتَنَه فِكَرَاي

إِنْسَان رَه بِدَنَه بَغَيرِ از رَوحِ إِنْسَان كَه دَ وَجُودِ شَيْءَه؟ اَمِي

^{١٢} مو رَقم فِكَرَاي خُدا رَه اَم هَيْچ كَس نَمِيدَنَه بَغَيرِ از رَوحِ خُدا. مو

اَم رَوحِ دُنيَا رَه از خَود نَكَدَه، بَلَكِه روْحِي رَه از خَود كَدَه كَه

از خُدا اَستَه تَا چِيزَاي رَه كَه خُدا دَز مو بَخَشِيدَه بِدَنَي. ^{١٣} مو

دَ بَارِه اَمْزِي چِيزَا قد كِلمَه هَاي تُورَه مُوگَي كَه دَ وَسِيلَه جِكمَتِ

إِنْسَان تَعلِيم دَدَه نَشُدَه، بَلَكِه دَ وَسِيلَه رَوحُ الْقُدُس تَعلِيم دَدَه

شُدَه؛ مو حَقِيقَتَاي روْحَانِي رَه قد كِلمَه هَاي روْحَانِي بِيان

^{١٤} مَكْمَم إِنْسَانِ نَفْسَانِي حَقِيقَتَاي روْحِ خُدا رَه قَبُولِ مُوكُنَي.

نَمُونه، چُون بَلِدِه اُزْوَ لَوْدَگَى أَسْتَه وَأُو نَمِيَّتَنَه كَه أُونَا رَه پَى

بُبِرَه، چِرا كَه أُونَا دَ وَسِيلَه رَوْحَ تَشْخِيَصَ مُوشَه.^{١٥} لَيْكِن

شَخْصِ رَوْحَانِي مِيَّتَنَه پَگِ چِيزَا رَه تَشْخِيَصَ كُنَه، وَلَيْسَ خَوْدِ اُزْوَ

دَ وَسِيلَه هِيجَ كَسَ دَ آزْمَايِشَ قَرَارَ نَمِيَّكِيرَه.^{١٦} چُون نُوشَتَه يَهَ:

”كَيْ أَسْتَه كَه فِكْرِ خُداونَدَ رَه فَامِيدَه بَشَه“

تاً أُو رَه هِدَىَاتِ بِدِيه؟“ هِيجَ كَسَ.

مَكْمَ مو فِكْرِ مَسِيحِ رَه دَرِى.

خِدمَتَگَارَى خُدا

٣ آيِ بِرارُو، ما نَتِتِسْتُمْ قد شُمو رَقْمِي تُورَه بُكِيَّمْ كَه قد

مَرْدَمَى رَوْحَانِي تُورَه مُوكِيَّمْ، بَلِكِه قد شُمو رَقْمِ مَرْدَمَى

نَفَسَانِي تُورَه گُفْتَمْ، رَقْمِ كَسَايَ كَه دَ اِيمَانَ خُو دَ مَسِيحِ نِلغَه

أَسْتَه.^٢ ما دَزِ شُمو شِيرَ دَدُمْ، نَه خُوراكِ سَخْتَ، چُون شُمو

تَوَانَ شَى رَه نَدَشْتِيدَ وَ فِعْلَه هِنَوزَ اَمْ تَوَانَ شَى رَه نَدَرِيدَ،

چِرا كَه شُمو هِنَوزَ اَمْ نَفَسَانِي أَسْتِيدَ. تَا وَخْتِيكَه حَسَادَتَ وَ

جَنْجَالَ دَ بَيْنَ شُمو أَسْتَه، آيَا شُمو نَفَسَانِي نِيَسْتِيدَ وَ دَ مُطَابِقَى

رسم-و-راه انسان رفتار نمُوكنید؟ ^۴ چون وختیکه یگ مُوگیه:
”ما از جمِ پولس آستم.“ و دیگه مُوگیه: ”ما از جمِ آپولس
آستم.“ آیا شمو انسان های نفسانی نیستید؟ ^۵ آخر آپولس کی
آسته؟ و پولس کی آسته؟ اونا فقط خدمتگارای آسته که د
وسیله ازوا شمو ایمان اوردید، امو رقم که مولا بله هر کس
یگ وظیفه دده. ^۶ ما کشت کدم و آپولس آو دد، لیکن خدا
آسته که رشد میدیه. پس نه کشت کننده کدم چیزی آسته و
نه ام آو دهنده، بلکه تنها خدای که رشد میدیه. ^۷ کسی که
کشت مونه و کسی که آو میدیه هر دوی شی یگ مقصد دره
و هر کدم شی د مطابقِ زحمت خو اجر د دست میره. ^۸ چون مو
د خدمتِ خدا همکارا آستی و شمو کشت و آبادی خدا آستید.
^۹ مطابقِ فیضی که خدا دز مه دده، ما بحیثِ یگ استاکار
قابل تادو ره ایشتم و یکو کس دیگه د بله شی آباد مونه.
مگم هر کس باید فکر خو ره بگیره که چی رقم د بله ازو آباد
کنه. ^{۱۰} چون هیچ کس نمیتنه که تادو دیگه بیله بغير از تادوی
که ایشته شده؛ و او تادو، عیسی مسیح آسته. ^{۱۱} اگه کس د
بله امزی تادو قد طلا، نقره و سنگای قیمتی آباد مونه یا قد
چیو، خشپیش و کاه، ^{۱۲} کارِ هر کس برملا موشه، چون امو
»روز« کارِ هر کس ره برملا مونه، چراکه امو روز قد آتش

ظاهر مُوشه و آتِش کارِ هر کس ره آزمایش مُونه که چې رقم
آسته.^{۱۴} اگه چیزی که دَ بَلِه تادو آباد شُده، باقى بُمنه، آباد
کُننده آجر دِ دست میره.^{۱۵} ولے اگه کارِ آباد کُننده بُسوze،
ضرر مُونه، مگم خود ازو نجات پیدا مُونه، البتة رقم کسی که
از مینکلِ آتِش تیر شده بشه.^{۱۶} آیا نَمِیدنید که شمو خانِه خُدا
آستید و روح خُدا دَ وجود شمو بُود-و-باش ذره؟^{۱۷} اگه کسی
خانِه خُدا ره خراب کُنه، خُدا او ره نابود مُونه؛ چون خانِه خُدا
مُقدَّس آسته و امُو خانه شمو آستید.

^{۱۸} هیچ کس خود خُو ره بازی نَدیه. اگه کُدم کس از مینکل
شمو خود ره دَ امزی عالم دانا فِکر مُونه، او باید خود ره لَوْڈه
قرار بِدیه تا دانا شُنه.^{۱۹} چون حِکمتِ ازی دُنیا دَ پیشِ خُدا
لَوْڈگی آسته. امُورِ رقم که دَ کِتابِ مُقدَّس نوِشته شُده: "خُدا
آدمای دانا ره دَ چالاکی ازوا گِرفتار مُونه."^{۲۰} و بسم مُوگیه:
"خُداوند مِیدَنه که فِکرای دانایو پُوچ-و-بے فایده آسته."

^{۲۱} پس هیچ کس دَ بَلِه انسان ها افتخار نَکُنه، چون پگ چِيزا
از شُمو آسته.^{۲۲} چی پولُس، چی آپولُس، چی کیفا، چی دُنیا،
چی زِندگی، چی مَرگ، چی حاضِر و چی آینده، پگ شی از
شُمو آسته،^{۲۳} و شُمو از مسیح و مسیح از خُدا.

شِناسِ دُرُست از رسُول‌ای مسیح

۴

پس شُمو مو ره بحیثِ خدمتگارای مسیح و آدمای

پیشقدم د راز های خُدا بِنَخْشِید. علاوه ازی، لازم استه که

آدمای پیشقدم قابلِ اعتماد ثابت شُنَه. لیکِن بَلَدِه ازمه ای

یگ چیزی کلو ریزه آسته که د وسیله شُمو یا د وسیله یَگو

محکِمِه انسانی قضاوت شُنُم. حتی خود مه د باره خُو قضاوت

نَمُونُم. چُون ما د خود کُدم عَيْب نَمِينَگُرم، ولے ای دلیل مره

بے گناه جور نَمُونه، بَلَكِه مَولا آسته که د باره مه قضاوت

مُوکُنه. امزی خاطر پیش از وخت د باره هیچ چیز قضاوت

نَكُنید، یعنی پیش از آمدونِ مَولا که او چیزای ره که فِعلاً د

تریکی تاشه یه، د روشنی میره و نیت های دل ها ره بَرَمَلا

مُونه. اوخته هر کسی که حقدار شی آسته از طرفِ خُدا

تعَرِيف-و-تَوَصِيف مُوشَه.

۵ آی بِرارو، ما امی چیزا ره بظُورِ مِثال د باره خود خُو و د باره

آپولُس بخاطرِ از شُمو گفتُم تا از مو معنای امزی توره ره یاد

بِگِيرید که مُوگیه: "از چیزی که نوشتہ شده زیاده رَوی

نَكُنید، "تا هیچ کُدم از شُمو د بَلَه یگ نفر د ضِدِ دِیگه نفر

إفتخار نَكُنید. چُون کی تو ره از دِیگرو بالهَتَر جور کده؟ تو

چیز خیل دَری که دَز تُو بخشیده نَشَدَه؟ و اگه دَز تُو بخشیده

شَدَه، پس چرا رقمی افتخار مُوكنی که بُگی دَز تُو بخشیده

نَشَدَه؟ شُمو گاه سیر شُدِید! شُمو گاه دولتمَند شُدِید! شُمو

واقعاً بِدونِ ازمو پادشاهی مُونید؛ و کشکِه راستی پادشاهی

مُوكدِید تا مو ام قد شُمو پادشاهی مُوكدی. ^٩ چُون ما فِکر

مُونُم که خُدا، مو رُسُولا ره د آخرِ پگ بَلَدِه نُمايش قرار دَده،

رقم اسِیرای که دَبَلِه ازوا حُكم مَرگ شَدَه، چراکه مو بَلَدِه دُنيا

سَيَل جور شُدَيْ، ام بَلَدِه ملائِكَه ها و ام بَلَدِه إنسانا. ^{١٠} مو

بخاطِر مسيح لَوْدَه أَستَى، مَكْمَ شُمو دَمسيح دانا أَستِيد! مو

ضعِيف أَستَى، مَكْمَ شُمو قَوى! شُمو مردمَاي مُحترم أَستِيد،

مَكْمَ مو خار-و-حقير! ^{١١} تا امزى ساعت مو گُشنَه و تُشنَه

أَستَى، كالا نَدرَى، لَت-و-كوب مُوشَى، آواره-و-درَيَدر أَستَى؛

مو قد دِستاي خُو سخت کار کده زَحمَت مِيكشى. وختِيکه ^{١٢}

مردم دَو-و-دشنام مِيديَه، بَلَدِه ازوا خَيْر-و-برَكَت طلب مُوكنی؛

وختِيکه آزار-و-آذیَت مُوشَى، تَحَمُّل مُونَى؛ ^{١٣} وختِيکه دَبَلِه مو

تُهمَت مُوشَه، مو قد مِهربانی توره مُوگَى. مو رقم خانه-جارُوي

دُنيا و پَسَمنِدِه پگ چِيزا شُدَيْ و تا امى روز ام أَستَى.

ما اي ره نوِشته نَمُونُم تا شُمو ره شرمنَدَه كُنم، بَلَكِه تا رقم ^{١٤}

بچکیچای دوست-دشتنی خو شمو ره نصیحت کنم. ^{۱۵} چون

حتی اگه هزاران معلم د باره مسیح دشته بشید، مگم آته های

کلو ندربید، چراکه د وسیله عیسی مسیح از طریق اعلان

خوشخبری ما آته شمو شدم. ^{۱۶} امی خاطر از شمو خاہش

مُونم که از مه سرمشق بگیرید. ^{۱۷} بلده امی مقصد

تیموتائوس ره د پیش شمو ری کدم. او با چه دوست دشتنی و

وفادار مه د خدمت مولا آسته تا راه-و-رفتار مرد مسیح

عیسی د یاد شمو بیره، امروز قم که ما د هر جای و د هر

جماعت ایماندارا تعییم میدیم. ^{۱۸} مگم بعضی کسا د گمان

ازی که ما د پیش شمو نمیمیم، کبری-و-مغروف شده. ^{۱۹} لیکن

ما د زودی پیش شمو میمیم اگه خاست مولا بشه و د او غیت

نه تنها که تورای امز و آدمای کبری-و-مغروف ره پی موبرم،

بلکه قدرت ازوا ره ام. ^{۲۰} چون پادشاهی خدا د توره گفتتو

تعلق ندره، بلکه د قدرت عمل. ^{۲۱} کدم شی ره خوش درید؟

ای که قد سوٹه-چیو بیمیم یا قد محبت و روح ملايم؟

فسق-و-فساد ره از بین خو دور کنید!

^۱ د حقیقت خبر رسیده که د مینکل شمو فساد اخلاقی

وْجُود دَرَه وَأُو ام رقمی که حتی د مینکل بُتپَرَستا وْجُود

نَدَرَه؛ چُون شِنیدیم که يگ نفر قد خاتون آته خُو خاو مُونه.^۲ و
شُمو ام د ای باره افتخار مُوکنید. آیا شُمو نباید ماتم بِگیرید و
کسی ره که امی کار ره کده از مینکل خُو بُر کنید؟^۳ چُون
اگرچه ما د جِسم د أونجی حاضر نیستم، مگم د روح قد شُمو
حاضر اسْتم و رقم شخص حاضر د باره کسی که امی کار ره
کده حُکم خُوره د نام مَولای مو عیسی صادر کدیم. پس
وختیکه شُمو جَم مُوشید و روح مه قد قُدرت مَولای مو عیسی
د أونجی حاضر مُوشه،^۴ اوخته امی آدم بَلَدِه نابُود شُدون نَفس
خُو د شَيْطَو تسلیم شُنه تا روح شی د روزِ مَولا عیسی نِجات
پَیدا کُنه.^۵ افتخار کدون شُمو خُوب نیسته. آیا نمیدنید که کم
وری خمیرمايه تمام خمیر ره میرسن؟^۶ پس خود ره از
خمیرمايه کنه پاک کنید تا خمیر تازه بشید، امُو رقم که شُمو
واقعاً بِدُون خمیرمايه استید؛ چُون مسیح باره عِید پَصَح مو
قریانی شُده.^۷ امزی خاطر بیید که عِید ره جشن بِگیری، مگم
نه قد خمیرمايه کنه که خمیرمايه بدی و شرارت آسته، بلکه
قد نان بِدُون خمیرمايه که صداقت و راستی آسته.^۸ ما د يگ
خط خُو بَلَدِه شُمو نوشتہ کُدم که قد مردمای فاسِق شِشت-و-
برخاست نَكْنید.^۹ ولے مقصد مه هرگز ای نبُود که قد مردم

فاسِق امزی دُنیا یا طمعکارا یا زورگیرا و یا بُتپَرستا شِشت-

و-بَرخاست نَكْنِيد، چُون دَزی حِساب شُمو باید ازی دُنیا بُر
شُنِيد. ^{۱۱} مَكْمَآلی بَلَدِه شُمو نوِشته مُونُم که هر کسی که خود
ره بِرارِ ایماندار مُوگیه، ولے فاسِق، طمعکار، بُتپَرست، بَد
زِبو، شرابخور یا دُز آسته، قد شی شِشت-و-بَرخاست نَكْنِيد؛
قد امزی رقم آدم حتی نان ام نَخورِید. ^{۱۲} چُون دَز مه چی
غَرض که دَبارِه کسای که از جماعتِ ایماندارا بُرو آسته
قضاياَت کُنم؟ آیا شُمو نَباید دَبارِه کسای که داخلِ جماعتِ
ایماندارا آسته، قضاوَت کُنِيد؟ ^{۱۳} ولے دَبارِه کسای که از
جماعتِ ایماندارا بُرو آسته، خُدا قضاوَت مُوکُنه. پس امُو آدم
شرِیر ره از مینکل خُو بُر کُنِيد.

فَيَصِلِه دعوا ها دَ مينکل بِرارون ایماندار

۶ ^۱ وختیکه کُدم کس از مینکل شُمو دَ خِلافِ دِیگِه شُمو
دعوا دَشته بشه، چطور او جُرات مُوکُنه که دعواي خُو ره د
محکمه پیش قاضی های بِإنصاف بُبره، نَه دَ پیشِ مُقدَّسین؟
آیا شُمو نَمِیدنید که مُقدَّسین د آخر زمان دُنیا ره قضاوَت
مُوکُنه؟ پس اگه دُنیا باید دَ وسیله از شُمو قضاوَت شُنه، آیا

شُمو لياقت ازى ره نَدرييد که د باره قضيه هاي ريزه فيصله

كُنيد؟ آيا شُمو نَميدنيد که مو د آخر زمان ملاليکه ها ره

قضاياً مُوكني؟ اگه مُوكني، قضيه هاي روزمره هيچ چيز

نيسته! پس وختيکه قضيه هاي روزمره دريد، آيا کسای ره

بحيث قاضي تعين مُونيد که د نظر جماعت ايماندارا خار-و-

حقير حساب مُوشه؟ ما اي ره مُوكم تا شُمو شرمنده شنيد.

آيا د مينكل شُمو يگ آدم دانا ام وجود ندره که بتنه د بَيَنِ

برارون ايماندار فيصله کنه؟ بلکه يگ برار د ضد دیگه برار

د محکمه موره و او ام د پيش بے ايمانا! د حقيرت دشتون

امي رقم دعوا ها قد يگديگه بلده شُمو يگ شِكست أسته.

چرا ازى کده ظلم ره قبول نَمونيد؟ چرا ازى کده نَميلىد که

بازى بُخوريid؟ برعکس خودون شُمو ظلم مُونيد و بازى

ميدييد؛ او ام برارون ايماندار ره! آيا شُمو نَميدنيد که بدكارا

وارث پادشاهي خُدا نَموشه؟ خود ره بازى نَدید، چراكه فاسقا،

بُتپرستا، زناكارا، باچه بے ريشا، لواطگرا، دُزا، طمعكارا،

شرابخورا، بد زبونا و زورگيرا وارث پادشاهي خُدا نَموشه.

بعضى از شُمو امي رقم آدما بُوديد، مگم غسل دده شده

مُقدَّس شُدید و د نام مولا عيسى مسيح و د وسيله روح خُدai

مو عادل شُدید.

جِسم بَلِدِه عِبادتِ خُدا أَسْتَه

١٢ تمام چِيزا بَلِدِه مه رَوا أَسْتَه، مَكْم تمام چِيزا فایده مند نِيَسته.
تمام چِيزا بَلِدِه مه رَوا أَسْتَه، مَكْم نَمِيلُم که يَكُو چِيز دَبَلِه مه
حاکِم شُنَه. ١٣ خوراک بَلِدِه کَوره أَسْتَه و شِكم بَلِدِه خوراک،
مَكْم خُدا ام إِي ره و ام او ره نابُود مُونه. جِسم إِنسان بَلِدِه
زِناکاری نِيَسته، بَلِكِه بَلِدِه مَولا أَسْتَه و مَولا بَلِدِه جِسم.

١٤ خُدا قد قُدرت خُو مَولا عِيسَى ره دُوبَاره زِنَدَه کد و مو ره ام
د آخر زمان زِنَدَه مُوكُنه. ١٥ آيا شُمو نَمِيدِنِيد که جِسم هَاي
شُمو أَعْضَاءِ جِسم مسيح أَسْتَه؟ پس آيا رَوا أَسْتَه که أَعْضَاءِ
جِسم مسيح ره گِرفته أَعْضَاءِ جِسم فاحِشه جور کُنم؟ هر گِرَز نَه!
آيا شُمو نَمِيدِنِيد که هر کسِي که قد فاحِشه يَكِجاي شُنَه،
قد ازو يَكِ جِسم مُوشَه؟ چُون کِتابِ مُقَدَّس مُوكِيَه: "هر دُوي
شِي يَكِ جِسم مُوشَه." ١٧ ليِكِن کسِي که قد مَولا يَكِجاي
شُنَه، روحِ شِي قد روحِ ازو يَكِ مُوشَه. ١٨ از زِناکارِ دُور دُوتا
کُنِيد. هر گَناهِ دِيگَه ره که إِنسان انجام مِيديه بُرو از جِسم شِي
أَسْتَه، مَكْم زِناکارِ دَضِيدِ جِسم خُو گَناه مُوكُنه. ١٩ آيا شُمو
نَمِيدِنِيد که جِسم شُمو جايِگاهِ روحِ الْقُدُس أَسْتَه که دَز شُمو
و جُود دَره که او ره از خُدا يافتِيَه و شُمو دِيگَه صاحِبِ جِسم

۲۰ خو نیستید، چون شمود یگ قیمت خریده شدید؟ امزی

خاطر خدا ره قد جسم خوب بزرگی-و-جلال بدید.

د باره رابطه زن و شوی

۷ آلى د باره چیزای که بله ازمه نوشته کده بودید: "بله

مرد خوب آسته که دخاتو دست نزنه." لیکن بخاطر

پیشگیری از فساد اخلاقی، هر مرد باید از خود خوب خاتو دشته

بشه و هر خاتو از خود خوب شوی. شوی باید حق زن-و-شویی شوی

خاتون خوره آدا کنه و امی رقم خاتو ام حق زن-و-شویی شوی

خوب ره آدا کنه. خاتو اختیار جسم خوب ره ندره، بلکه شوی

شی دره؛ امی رقم شوی ام اختیار جسم خوب ره ندره، بلکه

خاتون شی دره. یگدیگه خوب ره از حق زن-و-شویی محروم

نکنید سوای که رضایت هر دو طرف بله یگ وخت معین

بشه تا خودون ره وقف دعا کنید؛ ولے بعد ازو دوباره یگجای

شنید، نشنه که شیطو شموده بخاطر حاکم نبودو دبله نفس

شمود، وسوسه کنه. امی ره ما موغم بطوری که جایز آسته،

نه بطوری که حکم کنم. کشکه تمام مردم رقم ازمه موبود.

مگم هر کس تُحفه خاص از طرف خدا دره، یگ نفر یگ رقم

و دیگه نفر دیگه رقم.

دَ نفراي مُجَرَّد و خاتونوي بيوه مُوكِّيم که بَلِده ازوا خُوب آسته
که مُجَرَّد بُمنه، امُو رقم که ما آسْتُم.^٩ ولے اگه نَمِيتنه که دَ
بَلِه نَفَس خُو حاكم بَشه، اُونا باید توی کُنه، چُون توی کدو از
سوختو دَ آتِشِ شهَوت کده بِهَتر آسته.^{١٠} بَلِده کسای که توی
کده يه، اينى حُكم ره مِيدِيم، نَه خود مه بَلِكه مَولا حُكم مِيدِيه
که خاتُو باید از شُوی خُو جدا نَشَنَه.^{١١} ولے اگه جدا مُوشَه،
او باید مُجَرَّد بُمنه يا دُوباره قد شُوی خُو آشتَي کُنه؛ شُوی ام
باید خاتُون خُو ره خط نَديه.^{١٢} بَلِده دِيگرو ما مُوكِّم، نَه مَولا،
که اگه كُدم کس از مِينكِلِ بِرارو خاتُون بَسيِله ايمان دَره و امُو
خاتُو راضى آسته که قد اُزو زِندَگى کُنه، او بِرار نَبَايَد او ره
خط بِديه.^{١٣} امي رقم اگه يگ خاتُون شُوی بَسيِله ايمان دَره و امُو
مرد راضى آسته که قد اُزو زِندَگى کُنه، او خاتُون نَبَايَد او ره
خط بِديه.^{١٤} چُون شُوی بَسيِله خاتُون خُو مُقدَّس
مُوشَه و خاتُون بَسيِله شُوی ايماندار خُو مُقدَّس
مُوشَه. دَ غَير ازى أولاداي شُمو ناپاک مُوبُود، ليکِن آلى اُونا
مُقدَّس آسته.^{١٥} ولے اگه نفر بَسيِله جدا شُنَه، بيل که
جدا شُنَه؛ چُون دَ اى صُورت بِرار يا خوار ايماندار دِيگه دَ بند

نیسته. مگم خُدا مو ره بَلِدِه صُلح-و-سلامتی کُوي کده.

^{١٦} چون آی خاتُو، تُو چى مِيدَنى، شايد تُو باعِثِ نِجاتِ شُوى
خُو شُنى؟ يا تُو آى مرد، چى مِيدَنى، شايد تُو باعِثِ نِجاتِ
خاتُون خُو شُنى؟

^{١٧} دَ هر حال، امُو رقم که مَولاَ دَ هر کس نصِيب کده و امُو رقم
که خُدا کُوي کده، او امُو رقم زِندگى کنه. اينَمى حُكم مه بَلِدِه
تمامِ جماعتِ های ايمانداراً أَسْتَه. ^{١٨} اگه يَكُو كَس دَ غَيْتِيَكَه دَ
پادشاهى خُدا کُوي شُده، خَتَنَه شُده بُودَه، او دَ امْزُو حالت
بُمنَه. و اگه يَكُو كَس دَ وختِ کُوي شُدو ناخَتَنَه بُودَه، او
^{١٩} خَتَنَه شُدو چِيزِي نِيَسْتَه و ناخَتَنَه شُدو ام چِيزِي
نيَسْتَه، بَلِكِه اِطاعَتَ كَدو از احْكَامِ خُدا مُهِمَّ أَسْتَه. پس هر
کس دَ هر حالتى که کُوي شُده، دَ امْزُو حالت باقى بُمنَه. ^{٢٠} آيا
وختِيَكَه خُدا تُو ره کُوي کد، غُلام بُودَه؟ دَ فِكْرِ شَى نَبَش؛
ليکِن اگه مِيتَنَى که آزاد شُنى، از فرصتِ إِسْتِفَادَه کُو. ^{٢١} چون
کسی که دَ وختِ غُلامِي دَ وسِيلَه مَولاَ کُوي شُده، او آزاد شُده
مَولاَ أَسْتَه. و امي رقم کسی که دَ غَيْتِ آزادِي کُوي شُده، او
^{٢٣} غُلامِ مسيح أَسْتَه. شُمو دَ يَكِيَّ قِيمَتِ خَرِيدَه شُدِيدَه؛ پس غُلامِ
إِنسانِ ها نَشْنِيد. ^{٢٤} پس آى بِراَرو، هر کَدَم شُمو دَ هر حالتِ که

کُوی شُدِید، دَ امْزُو حالت دَ حُضُورِ خُدا باقی بُمَنِيد.

۲۵ دَ بارِه دُخترونِ خانه ما کُدم حُكم از طرفِ مَولا نَدرُم؛ ولے
بَحِيثِ كَسَى كَه دَ وَسِيلَه رَحْمَتِ مَولا قَابِلِ اِعْتِمَادِ أَسْتُم، ما
۲۶ نَظَرُ خُو ره مُوگِيْم. ما فِكَرِ مُونُم كَه بِخاطِرِ شرایطِ خَرَابِ
زمانِ حاضِر، بَلَدِه إِنْسَانِ امِي خُوب بَشَه كَه هَرِ رقمِ كَه أَسْتَه
امُو رقمِ بُمَنَه. ۲۷ آيا دَ بَنِدِ خاتُو أَسْتَي؟ پُشتِ جَدا شُدو نَگَرَد.
آيا دَ بَنِدِ خاتُو نِيَسْتَي؟ پُشتِ خاتُو گِرْفَتو نَگَرَد. ۲۸ لِيَكِنْ اَگَه
تَوَيِ كُنَى گُناه نَمُونَى؛ وَ اَگَه يَكِ دُخْتِرِ خانه تَوَيِ كُنَه، اوْ اَم
گُناه نَمُونَه. مَكَمْ كَسَايِ كَه تَوَيِ مُوكِنَه، اوْنَا دَ اَيِ زِنْدَگَى دَ
مُشَكِّلاتِ گِرْفَتَارِ مُوشَه وَ ما مِيَخَايِيمْ كَه شُمو ره از مُشَكِّلاتِ
۲۹ دُورِنِگَاهِ كُنم. آيِ بِرارَو، مَقْصِدِ مَهِ اَيِ أَسْتَه كَه وَختِ كَم
اَزِ اُوسُو، حتَّى كَسَايِ كَه خاتُو ذَرَه اوْنَا بَايدِ رقمِي
بَشَه كَه بُكَى خاتُو نَدرَه. ۳۰ كَسَايِ كَه مَاتِمِ مُونَه رقمِي بَشَه كَه
بُكَى مَاتِمِ نَمُونَه. كَسَايِ كَه خوشحالِ أَسْتَه، رقمِي بَشَه كَه
بُكَى خوشحالِ نِيَسْتَه. كَسَايِ كَه خَرِيدَارِ يَكِو چِيزِ أَسْتَه، رقمِي
۳۱ بَشَه كَه بُكَى صَاحِبِ امْزُو چِيزِ نِيَسْتَه وَ كَسَايِ كَه چِيزِي
اَزِ دُنيا ره إِسْتِفادَهِ مُونَه، رقمِي بَشَه كَه بُكَى إِسْتِفادَهِ
نَمُوكِنَه، چِرا كَه شَكِلِ فعلَى اَمْزِي دُنيا اَز بَيَنِ رَفَتَنَى أَسْتَه.

ما میخایم که شُمو از تشویش دُور بَشِید. آدم مُجَرَد دَبارِه

کارای مَولا فِکر مُونه که چی رقم رضایتِ مَولا ره حاصل

کُنه،^{۳۳} لیکن آدم توی کده دَبارِه کارای دُنیا فِکر مُونه که چی رقم خاتُون خُو ره خوش کُنه؛^{۳۴} او دُوراهی بَند آسته. دَعَینِ رقم، خاتُون مُجَرَد و دُخترِ خانه ام دَبارِه کارای مَولا فِکر مُونه تا دَجِسم و روح خُو پاک-و-مُقدَّس بشه. مگم خاتُون توی کده دَبارِه کارای ازی دُنیا فِکر مُونه تا شُوی خُو ره خوش کُنه.

ما امي چيزا ره بَلِه شُمو قرار بِدم، بَلِكه میخایم که شُمو بطَوري قید-و-بَند دَبلِه شُمو زِندگی کُنید و بِدونِ موانع خود ره بَلِده خِدمتِ که مُناسِب آسته زِندگی کُنید و اَنْدُونِ موانع خود ره بَلِده خِدمتِ خُداوند وَقف کُنید.^{۳۵} اگه کُدم کس فِکر مُوکُنه که رفتارِ اُزو دَبراپِر نامزاد شی مُناسِب نییه، و اگه دُختر دَحدِ بُلُوغ رسِیده و باچه فِکر مُونه که توی کُنه، امُو رقم که میخایه توی کُنه؛ ای گُناه نیسته. بیلید که اونا توی کُنه.^{۳۶} ولے اگه کُدم کس دَ تصمیم خُو محکم آسته و مجبوریت نَدره، بَلِكه دَبلِه نَفس خُو حاکِم آسته و دَدِل خُو تصمیم گِرفته که قد نامزاد خُو توی نَکُنه، او کارِ خُوب مُوکُنه.^{۳۷} پس کسی که قد نامزاد خُو توی مُوکُنه، کارِ خُوب مُوکُنه؛ مگم کسی که توی نَمُوکُنه، او کارِ خُوبتر مُونه.^{۳۸} یگ خاتُون تا وختی دَبَندِ شُوی خُو آسته که

شُوی شی زِنده يه؛ ولے اگه شُوی شی بُمُره، او آزاد اَسته که
قد هر کس که دِل شی شُنہ توی کُنه، لیکِن تنها قد کسی که
دَ مَولا ایمان دَرَه.^{٤٠} ولے دَ نظرِ ازمه اگه امُو رقم که اَسته
بُمنه، خوشحالتر زِندگی مُونه؛ و ما فِکر مُونم که ما ام روح
خُدا ره دَرُم.

دَ فِکرِ دِیگَر و بَشِید و از آزادی خُو إِستِفادِه غَلَط
نَكْنِيد

۸ آلى دَ باره خوراک های که دَبُت ها قُربانی مُوشه: مو
مِیدَنی که «پگ مو دانایی دَری.» دانایی مِيتَنه باعثِ كِبر-و-
غُرُور شُنہ، مَگم مُحَبَّت آباد مُوكُنه.^۱ اگه کُدم کس فِکر مُونه
که يَكَو چیز ره مِیدَنَه، او هنوز امُوطور که لازِم اَسته نَمِیدَنَه.
^۲ مَگم کسی که خُدا ره دوست دَرَه، او دَ وسِيلَه خُدا شِنَخته
شُدَه.^۳ پس، دَ باره خوردون خوراک های که دَبُت ها قُربانی
مُوشه، مو مِیدَنی که دَ دُنيا بُت هیچ چیز نِیسته و بَغَير از
خُدای بِگانه دِیگَه خُدا وجود نَدرَه.^۴ اگرچه چیزای دَآسمو و دَ
زمی اَسته که مردم اُونا ره خُدا مُوگَيَه - دَ حِقِيقَت غَدر خُدایو
و غَدر مَولایو بَلَدِه ازوا وجود دَرَه - لیکِن بَلَدِه ازمو

یېگ خُدا وجود دَره یعنی آته آسمانی

که تمام چِیزا دَزُو تعلق دَره و مو بَلِدِه اُزو زِندگى

مُوكُنى،

و يېگ مَولا وجود دَره یعنی عيسى مسيح

که پَگ چِیزا دَ وسِيله اُزو آست شُد و مو دَ وسِيله اُزو

وجود دَرى.

مَگم پَگ مردم اى دانايى ره نَدره، چون بعضى كسا دَ اندازِه
قد بُت ها عادت کده که تا آلى ره خوراك ره دَ عنوان قربانى
بُت ها مُوخوره و ازى که وِجدان ازوا ضعيف أسته نَجِس
مُوشه. ^٩ ليكِن خوراك، مو ره دَ خُدا نزديك نَمونه، چراکه دَ
خوردون شى مو خُويتَر نَموشى و دَ ناخوردون شى بدتر
^{١٠} مَگم احتياط کُنيد که اى آزادى شُمو باعث
نَموشى. لخسيدون مردمای ضعيف نَشنە. چون اگه کُدم کس تُوره
که دانا أستى بِنگره که دَ بُتخانه سِر دِسترخو شِشته، ازى که
وِجدان اُزو ضعيف أسته، آيا او تشويق نَموشه که از قربانى
بُت ها بُخوره؟ ^{١١} پس دَ وسِيله دانايى از تو امُو بِرارِ ضعيف که

مسیح بَلَدِه شی مُرَد، تباه مُوشه.^{۱۲} و امی رقم وختیکه شُمو دَ
حق بِرارون ایماندار گُناه مُونید و دَ وِجْدَانِ ضعیفِ ازوا ضَرَر
میرسَنید، دَ حَقِيقَتِ شُمو دَ ضِدِ مسیح گُناه مُونید.^{۱۳} امزى
خاطر، اگه خوراکى كه دَ بُت ها قُربانى شُده باعِثِ لخشیدون
بِرار ایماندار مه شُنه، ما هرگز امزى رقم گوشت نَمُوخُرُم تا
باعِثِ لخشیدون بِرارِ خُو نَشْتم.

حق و اختیاراتِ یگ رسول

۹ آیا ما آزاد نیستم؟ آیا ما رسول نیستم؟ آیا ما مولای مو
عیسیٰ ره ندیدیم؟ آیا شُمو ثمر کار مه دَ مولا نیستید؟^۱ حتی
اگه بَلَدِه دِیگرو رسول نبشم، کم از کم بَلَدِه از شُمو آستم،
چراکه شُمو مُهرِ رسالت مه دَ راهِ مولا آستید.^۲ دِفاعِ مه دَ
برابرِ کسای که مره آزمایش مُوکنه اینی آسته:^۳ آیا مو حق
نَدری که بُخوری و وُچی کُنى؟^۴ آیا مو حق نَدری که یگ خوارِ
ایماندار ره دَ عنوانِ خاتُو گِرفته قد خُو بُبری، رقم دِیگه رسولان
و بِرارون مولا و کیفا؟^۵ یا که تنها ما و برنابا حق نَدری که از
کار دِست بِکشی؟^۶ کِی آسته که از خرج-و-مَصَرَفِ خود خُو
عسکری کُنه؟ کِی آسته که تاگِ انگور بِشنه و از میوه شی

نَخُورَه؟ يَا كِي أَسْتَه كَه يِيگ رَمَه رَه بِچَرَنَه و از شِير شِي وُچِي
نَكْنَه؟ آيَا ما امِي توره ره از نِگاهِ إِنسانِي مُوگِم؟ آيَا شِريعت
ام امِي ره نَه مُوگِيه؟ چُون دَشِريعتِ مُوسَى نوِشته شُدَه:^٩
”دانِ گاو ره دَغَيَتِ جُغُول كدو بِسْتَه نَكُو.“ آيَا خُدا دَفِكر
گاَوَوَوَ أَسْتَه؟^{١٠} يَا إِي ره كَلوَتَر بِخاطِرِ ازمو مُوگَه؟ آرَه، إِي
بَلَدِه ازمو نوِشته شُدَه، چُون كَسَى كَه قُلْبَه مُونَه بَايد دَأْمِيد
قُلْبَه كُنَه و كَسَى كَه جُغُول مُونَه بَايد دَأْمِيد گِرفَتوْنِ حِصَه خُو
بَشَه.^{١١} اَكَه مو تُخِمِ روحانِي ره دَمِينَكَل شُمَو كِشت كَدَه،
آيَا إِي زِيادَه طَلَبِي أَسْتَه كَه مو حَاصِلِ مَادِي از شُمَو دِرَو كُنَى؟
اَكَه دِيكَرو إِي حق ره دَرَه كَه دَحَاصِلِ مَادِي شُمَو شِريِيك
بَشَه، آيَا مو كَلوَتَر شِريِيك نَبَشَى؟ مَكَمِ مو ازِي حق خُو
إِستِفادَه نَكَدَه، بَلَكِه هر چِيز ره تَحَمُل مُونَى تا مانِع پِيشَرَفِ
خوشخبرِي مسيح نَشَنَى.^{١٢} آيَا شُمَو نَمِيدَنَيَد كَه كَسَايَ كَه دَ
خانِه خُدا كَار مُوكِنَه، اُونَا خوراك خُو ره از خانِه خُدا دَدِست
ميِره و كَسَايَ كَه دَقُربانِگاه خِدمَت مُوكِنَه، از قُربانِگاه حِصَه
خُو ره مِيِگِيرَه؟^{١٣} و امِي رقم، مَولا حُكم كَده كَه كَسَايَ كَه
خوشخبرِي ره إِعلان مُوكِنَه خِرج-و-مَصَرَفِ زِندَگَى خُو ره از
إِعلان كَدونِ خوشخبرِي دَدِست بِيرَه.^{١٤} ليِكن ما از هِيج كُدَم
امزِي حق ها إِستِفادَه نَكَديم و امِي خطَه ره ام بَلَدِه ازِي نوِشته

نَمُونُمْ كَه امَى چِيزا دَ حَقِ ازمه انِجَام شُنَه؛ چُون بَلَدِه مَه مَرَگ
ازى كَده بِهَتَر أَسْتَه كَه كُدَّم كَسِ افْتَخَارَات مَرَه باطِل كُنَه.

١٦ اَكَّه ما خوشخبرى ره إعلان مُونُمْ، ما نَمِيتَنُمْ كَه بَلَدِه ازى
فَخَرْفَرُوشَى كُنُمْ، چُون مَسْئُولِيَّت دَ عُهْدِه مَه ايشَتَه شُدَّه كَه
إِعلان كُنُمْ؛ وَوَاي دَ حَال مَه اَكَّه خوشخبرى ره إعلان نَكُنَمْ!

١٧ چُون اَكَّه إِي كَار ره دَ رضَاي خُو كُنُمْ، آجر نصِيب مَه مُوشَه،
ليِكِن اَكَّه رضَاي مَه نَبَشَه، باز ام يِگ وظِيفَه أَسْتَه كَه دَ عُهْدِه
مه ايشَتَه شُدَّه. ١٨ پَس آجر مَه چَى أَسْتَه؟ فَقْطَ اينَى أَسْتَه كَه
وختى خوشخبرى ره إعلان مُونُمْ، او ره مُفت-و-رايِگان إعلان
كُنُمْ و از حق خُو دَ إعلان كَدونِ خوشخبرى إستِفادَه نَكُنَمْ.

١٩ چُون اَكَرْچَه ما از غُلامِي پِگ آزاد أَسْتُمْ، ولَسِ ما خود ره
غُلامِي پِگ جور كَديم تا تِعْدَادِ كَلوَتَر ره دَ مسيح جذب كُنُمْ.
٢٠ قد يهوديا رقم يهودي شُدُّم تا يهوديا ره جذب كُنُمْ. قد
آدمَى تابع شريعت رقم كسى شُدُّم كَه تابع شريعت أَسْتَه تا
آدمَى تابع شريعت ره جذب كُنُمْ؛ اَكَرْچَه خود مَه تابع شريعت
نيِسْتُمْ. ٢١ قد نفَرَى بِي شريعت رقم يِگ آدم بِي شريعت شُدُّم --
اَكَرْچَه ما دَ پِيشِ خُدا بِي شريعت نَيِسْتُمْ، بَلَكِه تابع شريعت
مسيح أَسْتُمْ -- تا مردُم بِي شريعت ره جذب كُنُمْ. ٢٢ قد مردُم

ضعیف، ضعیف شدم تا مردم ضعیف ره جذب کنم. خلاصه
قد هر کس هر چیز شدم تا از هر طریق بعضی‌ها ره نجات
^{۲۴} ماتمام کارا ره بخاطر پیشرفت خوشخبری انجام
پدیم. میدیم تا د برکت‌های شی شریک شنم.

آیا شمو نمیدنید که د مسابقه دویش پگ مودوه، لیکن تنها
یگ نفر جایزه ره میگیره؟ شمو ام رقمی بدوید که جایزه ره
^{۲۵} ببرید. تمام کسای که د مسابقه حصه میگیره، اونا د هر
چیز نظم ره برقرار نگاه موکنه؛ اونا ای کار ره مونه تا یگ
تاج از بین رفتنه ره حاصل کنه، لیکن مو تاج از بین نرفتنی
ره حاصل مونی. ^{۲۶} پس ما رقمی مودوم که بهداف نیستم؛ و
رقمی مشت میزنم که د هوا مشت نمیزنم؛ ^{۲۷} بلکه ما جسم خو
ره خار کده زیر فرمان خونگاه مونم؛ نشه که بعد از وعظ
کدو د دیگرو خود مه امزرو تاج محروم شنم.

عیرت از سرگذشت اسرائیل

۱۰ آی براو، ما نمیخایم که شمو ازی بے خبر بشید که
بابه کلونای مو پگ شی د تی آور بود و تمام ازوا از دریا تیر

شُد^۲ و پِگِ ازوا دَ وسِيله مُوسى دَ آور و دَ دريا تعَيَّيد گِرفت

و پِگ شى از يگ خوراکِ روحانى خورد^۳ و از يگ

وُچى كَدَنَى روحانى وُچى كَد؛ چون أونا از قادِه روحانى وُچى

كَد كَه از پُشتِ ازوا ميمَد و اوْ قادِه مسيح بُود. لِيكِنْ خُدا از

غَدرِ ازوا راضى نَبُود، امزى خاطر جَسَدِ ازوا دَ بِبابو پورته

شُد. تمامِ امزى چيزا رُخ دَد تا بَلَده ازمونه های عِبرَت

بَشه تا مو رقمِ ازوا الَّى دَ آرزو شرارت-و-بدى نَبَشى.

بُتپَرَست نَشَنِيد، مِثَلِ كَه بعضى ازوا شُد، امو رقم كَه دَ

كتابِ مُقدَّس نوِشته شُدَه：“قَومٌ شِيشَت كَه بُخوره و وُچى كُنه

و باله شُد كَه خَرَمَستى كُنه.”^۴ مو نَبَايد زِناكارى كُنى، رقمى

كه بعضى ازوا كَد و دَ يگ روز بِيِست و سِه هزار نفر كُشته

شُدَه أفتَد. مو نَبَايد مسيح ره آزمایش كُنى، رقمى كَه بعضى

ازوا كَد و دَ وسِيله مار ها نابُود شُد.^۵ و نَه ام نِيق نِيق كُنى،

رقمى كَه بعضى ازوا كَد و دَ وسِيله نابُود كُننَدَه نابُود شُد.

امى چيزا قد ازوا رُخ دَد تا نَمُونَه عِبرَت بَشه و نوِشته شُد تا

مو ره هِدَايَت كُنه، مو كَسَاي ره كَه زمان های آخر دَز مو

رسِيدَه.^۶ پس كَسى كَه فِكر مُونَه قايم-و-أَسْتَوار أَسْتَه، اوْ

هُوش خُوره بِكِيره كَه نَفَته.^۷ هِيج آزمایش دَ بَلَه شُمو نَمَدَه

كه بَلَده إنسان عادى نَبَشَه. مَكْمَ خُدا وفادار أَسْتَه و نَمِيلَه كَه

شُمو از حِدِ تَوان خُو کَلو آزمایش شُنید، بَلَکِه قد آزمایش قتی
یگ راهِ دُوتا ره ام آماده مُونه تا شُمو بِتنید او ره تَحْمُل کُنید.

^{١٥} پس آی عزیزای مه، از بُتپَرستی دُور دُوتا کُنید. ما

رقمی توره مُوگُم که بُگی قد مردمای دانا توره مُوگُم؛ خودون

^{١٦} شُمو دَبارِه چیزای که مُوگِیم قضاوت کُنید. آیا امُو جامِ

بَرَکَت که مو بَلِدِه شی شُکرگزاری مُونی، شرِیک شُدو دَخُونِ

مسیح نِیسته؟ و نانی ره که ٹوٹه مُونی، شرِیک شُدو دَجِسمِ

^{١٧} مسیح نِییه؟ ازی که یگ نان وجود دَره، مو ام با وجودِ که

کَلو أَسْتَى، یگ جِسْم أَسْتَى، چُون پَگ مو دَیگ نان شرِیک

^{١٨} مُوشی. دَبارِه قَوْمِ اِسرائیل فِکر کُنید: آیا او كسای که

قریانی ها ره مُوخوره، دَقُربانگاه شرِیک نِیسته؟ پس مقصد

مه چی أَسْتَه؟ آیا اِی که بُت کُدم چیز أَسْتَه، يا اِی که قُربانی

^{٢٠} بَلِدِه بُت یَكُو چیز أَسْتَه؟ نَه! بَلَکِه مقصد مه اِی أَسْتَه که

چیزی ره که بُتپَرستا قُربانی مُونه، اُونا بَلِدِه چِنیات قُربانی

مُونه، نَه بَلِدِه خُدا؛ و ما نَمِيخاِیم که شُمو شرِیک چِنیات

^{٢١} بَشِید. شُمو نَمِيتَنید که ام از جامِ مَولا وُچی کُنید و ام از

جامِ چِنیات. امچنان شُمو نَمِيتَنید که ام دِسترخونِ مَولا

^{٢٢} شرِیک بَشِید و ام دِسترخونِ چِنیات. آیا مو میخاھی که

غَيْرَتِ مَوْلَا رَه دَ شُور بَيْرَى؟ آيَا مو اُزُو كَدَه قَوْيَتَرَ أَسْتَى؟

٢٣ تمام چِيزا جایز أَسْتَه، مَكْمَن تمام چِيزا فَايِدَه مَنْد نِيَسْتَه. تمام

٢٤ چِيزا رَوا أَسْتَه، لِيَكِن تمام چِيزا آبَاد نَمُوكْنَه. هَيْجَ كَس دَ

پُشْتِ فَايِدَه خُود خُونَگَرَدَه، بَلَكِه دَ پُشْتِ فَايِدَه دِيَگَرَو بِكَرَدَه.

٢٥ هَر چِيزِي كَه دَ قَصَابِي سَوْدَا مُوشَه بُخُورِيد و بِخَاطِرِ

آسُودَگَى وِجْدَان خُونَه هَيْجَ سَوْال نَكْنِيَد. ٢٦ چُون «زمِى و هَر

چِيزِي كَه دَ مَنِه شَى يَه از خُداونَد أَسْتَه.» ٢٧ اَگَه كَدَم آدَمِ

بِإِيمَان شُمو رَه مِهْمَو مُوكْنَه و شُمو اَم مِيَخَاهِيد كَه بُورِيد،

هَر چِيزِي كَه پِيشِ رُوي شُمو اِيشَتَه شُد بُخُورِيد و بِخَاطِرِ

آسُودَگَى وِجْدَان خُونَه هَيْجَ سَوْال نَكْنِيَد. ٢٨ ولَى اَگَه كَدَم كَس

بَلَدِه شُمو بُكَه: «إِي گوشت از قُربَانِي بُت أَسْتَه.» اوختَه

بِخَاطِرِ اِمْزُو آدَمِ كَه شُمو رَه خَبَرَدارَ كَدَه و بِخَاطِرِ آسُودَگَى

وِجْدَان نَخُورِيد. ٢٩ مَقْصِد مَه وِجْدَان اِز شُمو نِيَيَه، بَلَكِه وِجْدَان

امْزُو آدَمِ دِيَگَه أَسْتَه؛ چُون چِرا وِجْدَانِ كَسِ دِيَگَه دَ بَارِه آزادِي

مَه قَضَاوَت كُنَه؟ ٣٠ اَگَه ما يَكِو خَورَاك رَه قد شُكْرَگُزارِي

مُخُورُم، چِرا بِخَاطِرِ چِيزِي كَه خُدا رَه شُكْرَ كَدَم، دَ بَارِه مَه

بَدَگُويِي شُنَه؟ ٣١ پَس چَى مُخُورِيد، چَى وُچَى مُونِيد يَا

هَر چِيزِي دِيَگَه رَه اِنجَام مِيَدِيد، پَكَ شَى رَه بَلَدِه بُزُرَگَى-و-

جلالِ خُدا انجام بَدید. ^{۳۲} باعِثِ لخشیدونِ یهودیا، یونانیا و جماعتِ ایماندارای خُدا نَشَنِید، ^{۳۳} امُو رقم که ما کوشش مُونم که پگ ره دَ هر کاری که انجام مِیدیم راضی کنم؛ ما دَ پُشتِ فایده خود خُو نَمِیگردم، بلکه دَ پُشتِ فایده غَدر کسای دِیگه مِیگردم تا اُونا نِجات پَیدا کُنه.

۱۱ پس، از مه سرمشق بِگیرید، امُو رقم که ما از مسیح سرمشق مِیگیریم.

دستُورا د باره عِبادت خاتُونو

۱ ما شُمو ره تعريف-و-توصیف مُونم، چراکه دَ هر چیز مَره یاد مُونید و رسم ها-و-مُقررات ره امُو رقم که دَز شُمو تسلیم کُدم، نِگاه مُونید. ^۲ مگم ما میخایم شُمو بِدانید که سِر هر مرد، مسیح آسته، سِر هر خاتُو، مرد آسته و سِر مسیح، خُدا آسته. ^۳ هر مردی که قد سِر پُوث دُعا یا پیشگویی کُنه، او سر خُو ره بے حرمت مُوكنه. ^۴ امی رقم هر خاتُونی که قد سِر لُچ دُعا یا پیشگویی کُنه، او ام سر خُو ره بے حرمت مُوكنه؛ ای کار مِثل ازی آسته که سر خُو ره کَل کده بشه. ^۵ اگه یگ خاتُو سر خُو

ره پُوٹ نَمُونه، باید مُوی خُو ره ام قَيچى كُنه، ولے اگه قَيچى
کدو يا كَل کدونِ مُوي بَلَدِه يگ خاتُو رسوايى آسته، او باید
سر خُو ره پُوٹ كُنه.^٧ مرد نباید سر خُو ره پُوٹ كُنه، چون او
مِثل و جلالِ خُدا آسته؛ ليكِن خاتُو جلالِ مرد آسته.^٨ چون مرد
از زَن دَ وجود نَمَدَه، بَلَكِه زَن از مرد دَ وجود آمَدَه.^٩ و امِچنان
مرد بَلَدِه زَن خلق نَشَدَه، بَلَكِه زَن بَلَدِه مرد خلق شُدَه.^{١٠} امزي
خاطر خاتُو باید يگ پرده دَ سر خُو دَشته بشه بخاطر ملايكه
ها.^{١١} دَ هر حال، دَ جماعتِ مَولا، خاتُو از مرد جدا نِيسته و
مرد از خاتُو جدا نِيبيه.^{١٢} چون امُورِ رقم که خاتُو از مرد دَ وجود
آمَد، امُورِ رقم مرد از خاتُو دَ وجود ميبيه. مگم تمامِ چيزا از خُدا
دَ وجود ميبيه.^{١٣} خودون شُمو قضاوت کُنيد: آيا بَلَدِه يگ خاتُو
مُناسِب آسته که قد سِر لِچ دَ پيشِ خُدا دُعا كُنه؟^{١٤} آيا خود
طبيعت دَز شُمو ياد نِميديه که اگه مرد مُوي دراز بيله، بَلَدِه
ازُو شَرم آسته،^{١٥} ولے اگه خاتُو مُوي دراز دَشته بشه، بَلَدِه
شي افتخار آسته؟ چون مُوي بَلَدِه ازُو بخاطر پُوٹ کدونِ سر
شي دَده شُدَه.^{١٦} اگه كُدم کس بخاييه که دَزى باره جَر-و-بحث
كُنه، مو و جماعت هاي ايمانداراي خُدا بغَير از امزى عمل
ديگه عمل ره انجام نِميدي.

مراسمِ نانِ شامِ مولا

متیٰ ۱۷:۲۶؛ مَرْقَسٌ ۱۲:۱۴؛ لُوقا ۷:۲۲.

۱۷ دَ امْزى هِدَايَت هَای زِير، از شُمو تعرِيف-و-تَوصِيف نَمُونُم،
چُون وختِيكه شُمو جم مُوشِيد، بَلَدِه بِهَتَر شُدو نَه، بَلَكِه بَلَدِه
بَدَتَر شُدو جَم مُوشِيد. ۱۸ دَ قَدْم اوّل، وختِيكه شُمو بَحِيثِ
جماعتِ ايماندار جم مُوشِيد، ما مِيشَنُوم که دَ مِينَكَل شُمو
تفرِقه وجُود دَرَه و تا اندازِه باور مُونُم. ۱۹ حتماً فِرقَه هَا ام دَ
مِينَكَل شُمو دَ وجود آمَدَه بَشَه، چُون دَمْزى طَرِيقَه ايماندار
حِيقِيقَى دَ بَيَن شُمو بَرَمَلا مُوشَه. ۲۰ وختِيكه شُمو جم مُوشِيد،
بَلَدِه ازى نِيَستَه که نانِ شامِ مَولا ره بُخُورِيد، ۲۱ چُون دَ وختِ
خوردو هر کس نانِ خود خُوره از دِيگَر و کده پِيشَتَر مِيگِيره و
مُوخوره. اوخته يَگ نفر گُشَنَه مُومَنَه و دِيگَه نفر مَسْت
مُوشَه. ۲۲ آيا شُمو خانَه نَدَريَد که دَ أونجَى بُخُورِيد و وُچَى
کُنِيد؟ يا شُمو مِيخاَهِيد که جماعتِ ايماندارِي خُدا ره تحقِير-
و-تَوهِين کُنِيد و مردُمَاي نادار ره شرِمنَدَه کُنِيد؟ دَز شُمو چَى
بُعْگَم؟ آيا شُمو ره تعرِيف-و-تَوصِيف کُنم؟ نَه، دَزِي باره شُمو ره
تعرِيف-و-تَوصِيف نَمُونُم.

چُون چِیزی ره که از مَولا یافتُم اُمو چِیز ره دَز شُمو ام تسلیم
کدم، اوِ ای بُود که مَولا عیسیٰ دَشاوی که یهودای
اسخَریوطی اوِ ره تسلیم کد، نان ره گِرفت ^{۲۴} و شُکر کده ٹوٹه
کد و گُفت: "ای جِسم مه آسته که بَلِدِه نِجات شُمو یه. ای
مراسِم ره دَیادِ ازمه دَجای بیرید." ^{۲۵} و امی رقم بعد از نان
خوردو جام ره ام گِرفت و گُفت: "ای جام عهدِ نَو آسته دَ
وسِیله خُون مه. ای مراسِم ره دَجای بیرید، هر وختیکه ای ره
وُچی مُونید، دَیادِ از مه وُچی کُنید." ^{۲۶} چُون هر وختیکه شُمو
ای نان ره مُوخورید و ای جام ره وُچی مُونید، شُمو مَرگِ مَولا
ره اعلان مُونید تا وختیکه اوِ دُوباره بیشه.

^{۲۷} پس هر کسی که بطورِ نامُناسِب اُزو نان بُخوره و از جامِ
مَولا وُچی کُنه، اوِ نسبت دَجِسم و خُونِ مَولا مجرم حِساب
مُوشه. ^{۲۸} امزی خاطر هر کس خود ره آزمایش کُنه و بعد اُزو
از نان بُخوره و از جام وُچی کُنه. ^{۲۹} چُون هر کسی که مُوخوره
و وُچی مُونه، بِدونِ ازی که آرژِشِ جِسمِ مَولا ره پَی بُرَه، اوِ
بَلِدِه محکوم شُدون خُو مُوخوره و وُچی مُونه. ^{۳۰} امزی خاطر
غَدر شُمو ضعِيف و ناجور آستَید و یگ تِعداد شُمو ام مُرده.
^{۳۱} لیکِن اگه مو خودون ره قضاوت مُوكدی، دَبَلِه مو حُكم

۳۲ نَمُوشُد . ۳۲ وَلَيْ وَخْتِيكَه دَبَلَه مو حُكْم مُوشَه، مو دَوسِيلَه

۳۳ مَوْلا اِصلاح مُوشى تا قد دُنْيَا مَحْكُوم نَشْنَى . ۳۳ پس آى

پِرارون مه، وَخْتِيكَه بَلَدِه خوردو جم مُوشِيد، معطل يِگِديگِه

۳۴ خُو بِشِينَيد . ۳۴ اَكَه كَدَم كَس گُشَنَه أَسْتَه، دَخَانِه خُو نَان

بُخوره. نَشْنَه كَه جم شُدُون شُمَو باعِثِ مَحْكُومَيَت شُمَو شُنَه.

دَبارِه دِيگَه چِيزا وَخْتِيكَه أَمْدُم، هِدَائِيَت مِيدِيُم .

يِگ روح قد تُحَفَه هَای کَلو

۱۲ آلى دَبارِه تُحَفَه هَای روحانى: آى پِرارو، ما نَمِيخايمُ

کَه شُمَو دَزِي باره بَسِيد . ۱۲ شُمَو مِيدِنَيد، زمانى کَه

شُمَو بُتَپَرَست بُودِيد، از هر طَرِيق سُون بُتَهَای گُنَگَه-و-

بِزِيو بُرَدَه شُدَه از راه بُر مُوشِيد . ۱۳ پس ما مِيخايمُ شُمَو

بُفَامِيد کَه هر كَسَى کَه دَوسِيلَه روح خُدا توره بُكِيه، هر گَز

نَمُوكِيه، "نَالَت دَعِيسَى!" و هِيَچ كَس ام نَمِيتَنَه بُكِيه،

"عِيسَى مَوْلا أَسْتَه،" جُز دَوسِيلَه روح الْقَدْس .

۱۴ تُحَفَه هَای مُختَلِف روحانى وجُود دَرَه، مَكَم روح اِمو يِگ

أَسْتَه . ۱۵ خِدمَتَاي مُختَلِف وجُود دَرَه، مَكَم مَوْلا اِمو يِگ أَسْتَه .

^٩ عمل های مُختَلِف وجود دَرَه، مَكْمَم اُمُو يَگ خُدَا أَسْتَه كه تمام ازوا ره د وجود پگ د کار مِينَدَزه. ظَهُورِ روح الْقُدْس د هر کس بَلَدِه فَايِده پگ دَدَه مُوشَه. ^{١٠} دِيگِ نَفَر دَ وَسِيلَه روح الْقُدْس كلام پُر از حِكْمَت دَدَه مُوشَه و دَ دِيگَه نَفَر دَ وَسِيلَه امْزُو روح، کلام پُر از عِلْم؛ ^{١١} دِيگِ دِيگَه دَ وَسِيلَه امْزُو روح، ايمان و دَ شَخْصِ دِيگَه دَ وَسِيلَه امْزُو روح، تُحْفَه ها بَلَدِه شفا دَدو؛ ^{١٢} دِيگَه نَفَر قُدرَتِ انْجَام دَدَونِ مُعْجَزَه ها، دِيگَه کس قُدرَتِ پِيشَگُويَ، دِيگَه کس قُدرَتِ تشخِيصِ روح هَاي مُختَلِف، دِيگَه نَفَر قُدرَتِ تورَه گُفتَو دَ زِيونَاي رقم رقم و دَ نَفَر دِيگَه قُدرَتِ ترْجِمَه امْزَى زِيونَا. ^{١٣} تمام امْزِيا دَ وَسِيلَه امْزُو يَگ روح فعال أَسْتَه كه او امي تُحْفَه ها ره دَ مُطَابِقِ خاست-و- ارادِه خُو دَ هر کس تقسِيم مُونَه.

يَگ جِسم قد اعضَاءِ كَلو

^{١٤} چُون اُمُو رقم که جِسم يَگ أَسْتَه و اعضَاءِ كَلو دَرَه و تمام اعضَاءِ جِسم، با وجودِ كَلو أَسْتَه، يَگ جِسم ره تشكييل مِيدِيه؛ دَ بارِه مسيح ام امي رقم أَسْتَه. ^{١٥} چراکه پگ مو دِيگ روح بَلَدِه يَگ جِسم تعمِيد دَدَه شُدَى، چَى يَهُود و چَى يُونَانِي، چُون جِسم از يَگ عُضو نِيه، بلَكِه از اعضَاءِ كَلو تشكييل

شُدَه. ^{۱۵} اگه پای بُگیه: "بخاطری که دِست نِیستم، ما دَ جِسم تعلق نَدْرُم." ای دلِیل نَمُوشَه که او دِیگَه عُضوِ جِسم نِیسته.

یا اگه گوش بُگیه: "بخاطری که چِیم نِیستم، دَ جِسم تعلق نَدْرُم." ای دلِیل نَمُوشَه که او دِیگَه عُضوِ جِسم نِیسته؟ ^{۱۶} اگه تمامِ جِسم چِیم مُوبُود، جای شِنیدو دَ کُجا مُوبُود؟ اگه تمامِ جِسم گوش مُوبُود، جای بُوی کدو دَ کُجا مُوبُود؟ ^{۱۷} لیکِن رقمی که فعلًاً آسته خُدا هر کُدم اعضا ره دَ مُطابِقِ خاست-و- ارادِه خُو دَ جِسم قرار دَده. ^{۱۸} اگه تمامِ جِسم یگ عُضو مُوبُود، جِسم کُجا وجود مِیداشت؟ ^{۱۹} مگم آلی اعضا کَلو آسته، ولے جِسم یگ. ^{۲۰} چِیم نَمِيتنه دِست بُگیه: "ما دَز تو ضُرورَت نَدْرُم." نَه ام سر مِيتنه دَ پای ها بُگیه: "ما دَز شُمو ضُرورَت نَدْرُم." ^{۲۱} برعکس، اعضايِ جِسم که ضعِيفَتِ معلوم مُوشَه، ضُرورِي تَر آسته. ^{۲۲} و اعضايِ جِسم که دَ نظرِ ازمو کم آرِزِشتَر حِساب مُوشَه، اونا ره قد احِترامِ خاص مُوپوشَنى و قد اعضاي که قابلِ نِشو دَدو نِييه، قد حُرمتِ خاص رفتار مُوكَنى، ^{۲۳} دَ حالی که اعضاي نُورِيَند مو دَزی کارا ضُرورَت نَدره. لیکِن خُدا جِسم ره دَ شکلِي ترتیب دَده که بَلِدِه اعضاي کم آرِزِشتَر ^{۲۴} جِسم احِترامِ کَلوتَر دَده شُدَه ^{۲۵} تا دَ بَيَنِ اعضايِ جِسم جدایي دَ وجود نَيَه، بَلِكَه اعضايِ جِسم مَساوِيانه دَ فِكرِ يگدِيگَه خُو

۲۶ و اگه يگ عضو دَ دَرَد بِيَه، تمامِ أَعْصَا قد اُزُو قتى
درد بِكَشَه و اگه يگ عضو عِزَّت-و-احْتِرَام پِيدا كُنَه، تمامِ
أَعْصَا قد اُزُو خوشى كُنَه.

۲۷ شُمُو جِسْمِ مسيحِ آستَيَد و هر كُدَم شُمُو يگ عضو اُزُو:
۲۸ خُدا دَ جماعتِ ايماندارا اوّل رسُولا، دُوم پِيغَمْبَرَا، سِوم
معلِّما ره قرار دَد؛ بعد اُزُو مُعْجَزَه ها، بعد اُزُو تُحَفَه ها بَلَدِه
شفا دَدو، كومَك كدو، رهبرى كدو و توره گفتُو دَ زِيونَى رقم
رقم. ۲۹ آيا پَگ رسُول آستَه؟ آيا پَگ پِيغَمْبَر آستَه؟ آيا پَگ
معلم آستَه؟ آيا پَگ صاحِبِ مُعْجَزَه آستَه؟ ۳۰ آيا پَگ تُحَفَه ها
بَلَدِه شفا دَدو دَره؟ آيا پَگ دَ زِيونَى مُختَلِف توره مُوگَيَه؟ آيا
پَگ ترجمَه مُوكَنَه؟ ۳۱ پس دَ شَوَقِ كَلو دَ طَلَبِ تُحَفَه هاي
بُزُرگَتَر بَشِيد. و ما بَلَدِه شُمُو ازيَا كده ام يگ راهِ بهتر ره نِشو
مِيدِيُم.

مُحَبَّت

۱۳ اگه دَ زِيونَى مردم و ملايكَه ها توره بُكَيِّم، ولے
مُحَبَّت نَدَشَته بَشُم، ما مِثْلِ يگ زنگِ پُر سر-و-صَدا و سَنجَى

که تَرَنگ-و-پَرَنگ مُوكْنَه آسْتُم. ^۳ اگه تُحِفَه پیشگویی داشته بَشُم و تمام رازها و تمام عِلم ره بِدَنُم و ایمانِ کامِل داشته بَشُم، دَ اندازه که بِتَنُم کوهها ره از جای شی حَرَكَت بِدِیْم، ولے مُحبَّت نَدَشَتَه بَشُم، ما هیچ آسْتُم. ^۴ اگه پَگِ دارایی خُوره خَیرَات کُنم و جَسْم خُوره تسلیم کُنم تا دَرَدَه شَنَه، ولے مُحبَّت نَدَشَتَه بَشُم، هیچ فایده دَدِست نَمِيرُم.

^۵ مُحبَّت باصَبَر-و-حَوْصِلَه آسْتَه؛ مُحبَّت مِهْرَبَان آسْتَه؛ مُحبَّت بِخِيلِي نَمُونَه و فَخَرْفَرَوش و مَغْرُور نِيَسْتَه؛ ^۶ مُحبَّت رفتارِ نَامُنَايِب نَدَرَه، خودخاه نِيَسْتَه، قار نَمُوشَه و کِينَه نَمِيِّكِيرَه؛ ^۷ مُحبَّت از بَدَى-و-شَرَارَات خوشحال نَمُوشَه، ولے از راستِ خوشحال مُوشَه. ^۸ مُحبَّت تمام چِيزا ره تَحَمُّل مُونَه، پَگِ چِيزا ره باور مُونَه، دَ تمام چِيزا أَمِيدَوار آسْتَه و تَابِ تمام چِيزا ره مِيرَه.

^۹ مُحبَّت هرگز خلاص نَمُوشَه؛ مَكْمَ تُحِفَه پیشگویی خلاص مُوشَه و تُحِفَه زِيونَای مُختَلِف بَند مُوشَه و تُحِفَه عِلم از بَيَن موره. ^{۱۰} چُون عِلم مو جُزئَى آسْتَه و پیشگویی که مو مُوكْنَى ام جُزئَى آسْتَه. مَكْمَ وختِيکَه کامِل بَيَيه، جُزئَى از بَيَن موره. ^{۱۱} زَمانَى که بِچِكيچَه بُودُم، ما رقمِ يَك بِچِكيچَه توره مُوكْفَشم

و رقم يېگ بچېکېچه فېکر مُوكدُم و مِثُل يېگ بچېکېچه دليل میوردم. مګم ختیکه آدم کله شُدم، کارای بچېکېچگی ره ايله کدم.^{۱۲} چون د زمان حاضر مو د آينه خیره مینگري، ليکن د او زمان روی د روی مینگري. فعلاً شناخت مه جزئی أسته، ولے د او زمان ما کاملاً مینخشم، امو رقم که ما کاملاً شنخته شدیم.^{۱۳} فعلاً امي سې چيز باقى مۇمنه: ايمان، أميد و محبّت؛ مګم بزرگترین امزيا محبّت أسته.

تُحْفَهُ هَائِي پِيشْگَوْبِي و تُورَه گُفتُو د زِيونَى غَير

۱۴ ^۱ پُشتِ مَحَبَّت بِكَرِدِيد و د شَوقِ كَلو د طَلَبِ تُحْفَهُ هَائِي روحانى بشید، خصوصاً اي که پِيشْگَوْبِي كُنِيد. چون کسی که د زِيونِ غَير توره مُوگيه، او نَه قد مردم، بلکه قد خُدا توره مُوگيه، چون هيچ کس توره شى ره نمۇفامه، چراكه او د وسیله روح رازها ره د زِيو ميره.^۲ مګم کسی که پِيشْگَوْبِي مۇنە، او قد مردم توره مُوگيه بَلِدِه آباد كدو، تشويق كدو و تَسَلّى ازوا.^۳ هر کسی که د زِيونِ غَير توره مُوگيه، او خود خُوا ره آباد مۇنە، مګم کسی که پِيشْگَوْبِي مُوكنَه، جماعت ايماندارا ره آباد مۇنە.^۴ ما آرزو دَرُم که پگ شُمو د زِيونَى

غَيْر توره بُكِيد، ليکِن کَلَوْتَر مِيَخَايِم که پِيشَگَويِي کُنِيد؛ چُون
کسی که پِيشَگَويِي مُونه بُزْرَگَتَر أَسته نِسْبَت دَ كَسی که دَ
زِيونای غَيْر توره مُوگِيه، سِواي که كُدَم نفر ترجمه کُنه تا
جماعتِ ايماندارا آباد شُنَه.

آي بِرارو، اگه ما دَ پِيش شُمو بيِيم و دَ زِيونای غَيْر توره بُكِيم،
دَز شُمو چى فايده مِيرَسَنُم، اگه بَلَدِه شُمو كُدَم وَحَى يا عِلم يا
پِيشَگَويِي يا تعليِيم نَيِرم؟ ^١ حتَى چِيزَى بَسْ جان که آواز مِيدِيه
مِثل تُولَه و بَرَبط، اگه بَطْورِ صَحِيح زَدَه نَشَنَه، چِطُور فامِيدِه
مُوشَه که دَ تُولَه يا دَ بَرَبط چى زَدَه شُد؟ ^٢ امى رقم اگه شِيبُورِ
جنَگ آوازِ نامعْلُوم بِديه، كِي خود ره بَلَدِه جنَگ آماده مُونه؟
دَ بارِه شُمو ام امى رقم أَسته: اگه شُمو قد زِيون خُو توره
قابلِ فهم نَكِيد، چِطُور فامِيدِه شُنَه که چِيزَخِيل گَفْتَه شُد؟ اى
مِثل ازِي أَسته که شُمو قد هَوا توره بُكِيد. ^٣ بِدونِ شَك دَ دُنيا
کَلو زِيونای مُختَلِف وجود دَره و هيچ كُدَم شى بَسْ معنى نِيَسته.
پس اگه معنای يَك زِيو ره نَمِيدَنُم، ما بَلَدِه توره گَوي يَك ^٤
بيِگَنه أَسْتم و توره گَوي بَلَدِه ازمه يَك بيِگَنه أَسته. ^٥ دَ باره
شُمو ام امى رقم أَسته: ازِي که شُمو بَلَدِه تُحْفَه هَاي روحانى
شَوق دَريَد، كوشِيش کُنِيد که بَلَدِه آباد كدونِ جماعتِ ايماندارا

پیشَرَفت کُنید.

۱۳ امزى خاطر کسى که دَكْدَم زِيونِ غَير توره مُوكِيه باید دُعا
کُنه تا ترجمه ام بِتنه.^{۱۴} چون اگه دِزِيونِ غَير دُعا کُنم، روح
مه دُعا مُوكِنه، ولے عقل مه بَسَمر مُومنه.^{۱۵} پس چیز کار
کُنم؟ ما قد روحِ خُو دُعا مُونم، ولے قد عقلِ خُو ام دُعا مُونم:
ما قد روحِ خُو سُرُود میخانم، ولے قد عقلِ خُو ام سُرُود
میخانم.^{۱۶} دَغَير اُزو، اگه قد روحِ خُو حمد-و-ثنا مُوكِي، او
کسى که مِثِلِ يگ شخصِ کم معلومات آسته، چُطُور مِيتنه دَ
شُكْرَگُزارِي تُو «آمين» بُكِيه دَحالِيكه نَمُوفامه تُو چیز خیل
مُوكِي؟^{۱۷} البتَه تُو خوب شُكْرَگُزارِي مُوكِنى، ليکِن امو نفرِ
دِيگَه آباد نَمُوشَه.^{۱۸} خُدا ره شُكْرِ مُونم که ما از پِگ شُمو کده
کَلُوتَر دِزِيونَاي غَير توره مُوكِيم؛^{۱۹} مَكِم دَمِينَكِل جماعتِ
ایماندارا خوش دَرُم که پَنج كِلِمه قابِل فهم از عقلِ خُو بُكِيم تا
دِيگَرو ام تعليِيم بِديِيم، دَجَاي ازِي که هزاران كِلمه دِزِيونِ
غَير بُكِيم.

۲۰ آي بِرارو، دَفِكر کدو بچِكيچه نَبَشِيد؛ برعکس، دَبَدى
کدو نِلغه بَشِيد، ولے دَفِكر کدو آدمَي کَته.^{۲۱} دَشريعت
نوِشته شده:

”خُداوند مُوگیه:

د وسیله زیونای غیر و لبای بیگنه

ما قد امزي قوم توره مُوگم،

ولے با وجود ازی ام اونا دز مه گوش نمیدیه.”

امزی خاطر زیونا یگ نشانی آسته، نه بَلِدِه ایماندارا، بَلِکِه ۲۲

بَلِدِه بے ایمانا؛ مگم پیشگویی بَلِدِه ایماندارا آسته، نه بَلِدِه
بے ایمانا. ۲۳ پس اگه تمام جماعت ایماندارا جم شُنه و پگ شی

د زیونای غیر توره بُگیه و د امزُو وخت نفرای کم معلومات یا

بے ایمان داخل بییه، آیا اونا نمُوگیه که شُمو دیونه آستید؟

لیکن اگه پگ پیشگویی کُنه و کُدم شخص بے ایمان یا ۲۴

کم معلومات داخل بییه، او د وسیله پگ ملامت مُوشہ و د

وسیله پگ قضاوت مُوشہ ۲۵ و راز های دل شی بَرَمَلا مُوشہ.

اوخته او رُوی د خاک افتده خُدا ره عبادت مُونه و اقرار مُونه

که، ”خُدا واقعاً د مینکل شُمو آسته.“

نَظَمٌ و ترتِيبٌ جماعتِ ايماندارا

پس مقصد مه چی آسته، آی بِرارو؟ وختیکه شُمو جم
مُوشید، هر کس يگ سرُود، يگ تعليِم، يگ وَحى، يگ توره
د زِيونِ غَير يا ترجمه زِيونِ غَير ره دَره. تمامِ امزيا بايد بلده
آباد کدو انجام دَده شُنه. ^{۲۷} اگه کُدم کس د زِيونِ غَير توره
مُوكِيَه، بايد از دُو يا سِه نفر کلوتر نَبَشه و هر کُدم شى د
نوَبَت توره بُكِيَه و يَكِو کس دِيگَه ترجمه کُنه. ^{۲۸} ليکِن اگه
کُدم ترجمان نَبَشه، اونا د مينکلِ جماعتِ ايماندارا چُپ-و-آرام
پِشِينه و قد خود خُو و قد خُدا توره بُكِيَه؛ ^{۲۹} و از آنبِيا دُو يا
سِه نفر توره بُكِيَه و دِيگَرو پِسَنجه که چى گفته شُد. ^{۳۰} ليکِن
اگه کُدم وَحى بلده کس دِيگَه که د أونجى شِشته ميَيه، نفر
اول چُپ شُنه تا او توره بُكِيَه. ^{۳۱} چُون دَزِي رقم، پَك شُمو
ميَتَنيد د نوبَت پِيشَگويي کُنيد تا پَك تعليم بِكِيره و پَك
تشويق شُنه. ^{۳۲} روحِ آنبِيا تابع آنبِيا آسته، ^{۳۳} چُون خُدا، خُداي
بِنَظمي نِيَسته، بلکِه خُدای نَظَم-و-آرامِش آسته.

امُو رقم که د تمامِ جماعت هاي مُقدَّسيَن آسته، ^{۳۴} خاتُونو بايد
د جماعت هاي ايماندارا چُپ پِشِينه، چراکه بلده ازوا إجازه
نيَيه که توره بُكِيَه، بلکِه امو رقم که شريعت مُوكِيَه، تابع

بَشَهٌ. ۳۵ اَكَهُ أُونَا مِيْخَايِه كُدَم چِيز ره بُفَامَه، دَخَانَه از شُوْبَيُون

خُو پُرْسَان كُنَه، چُون بَلَدِه خَاتُونَو شَرَم آسَتَه كَه دَجَمَاعَتِ
ايماندارا توره بُكَيَه. ۳۶ آيا كَلَام خُدَا از شُمُو سَرْجَشَمَه گَرِفَتَه؟

يا شُمُو تَنَهَا كَسَايِيَه آسَتَيَدَه كَه كَلَام خُدَا دَز شُمُو رسَيَدَه؟

۳۷ اَكَه كُدَم كَس خَود ره نَبَى يَا يِكَّ شَخَصِ رُوحَانِي فِكَر
مُوكَنَه، او بَایِد اَمِي چِيز ره كَه دَز شُمُو نُوشَتَه مُونَم تَصَدِيق
كُنَه كَه حُكْمِ مَوْلَا آسَتَه. ۳۸ هَر كَسَى كَه اِي ره تَصَدِيق نَكَنَه،
خُود اُزو ام تَصَدِيق نَمُوشَه. ۳۹ پَس اَيِ بِرَارَو، كَلو شَوَق دَشَتَه
بَشِيدَه كَه پِيشَگَويَه كُنَيَد و توره گَفَتو دَزِيونَاي غَير ره مَنَع
نَكُنَيَد؛ ۴۰ مَكَم تمام چِيزا بَایِد بَطَورِ مُناسِب و دَتَرِتِيب انجام
دَده شُنَه.

دُوبَارَه زِنَدَه شُدَونِ مسيح

۱۱ اَيِ بِرَارَو، آلى ما مِيْخَايِم خَوشَخَبرَى ره دَياد شُمُو
بَيِرمَ كَه دَز شُمُو إعلان كُدَم، اَمُورَه كَه شُمُو ام قَبُول كَدِيد و
ام دَزُو قَايِم-و-أَسْتَوار آسَتَيَدَه ۱۲ و ام دَوسِيلَه امْزُو نِجَات پَيَدا
مُونَيَد، دَشَرَطَى كَه دَامْزُو پَيَغَام كَه ما دَز شُمُو إعلان كُدَم

محکم بُمنید؛ اگه نه ایمان شُمو عَبَث-و-بے فایده آسته. ۳ چُون

چیزی ره که ما یافتدم، بحیثِ اوّلین چیزِ مُهم دَز شُمو رَسَندُم،

یعنی که مسیح دَ مُطابِقِ نوشتہ های مُقدَّس بخاطرِ گناه های

مو مُرد ۴ و دفن شُد و دَ مُطابِقِ نوشتہ های مُقدَّس دَ روزِ سِوم

دُوباره زِنده شُد ۵ و دَ کیفا و بعد ازْوَ دَ امزُو دوازده یار ظاهِر

شُد. ۶ بعد ازْوَ دَ یگ وخت، دَ کلوتَر از پَنج صد بِرار ظاهِر شُد

که اکثریتِ ازوا هنوز زِنده یه، ولی بعضی های شی مُرده.

بعد ازْوَ دَ یعقوب ظاهِر شُد و بعد ازْوَ دَ تمامِ رسُولا. آخر ۷

پَگ، دَز مه که مِثُلِ نِلغِه بَے وخت تَولُد شُده بُودُم، ام ظاهِر

شُد. ۸ چُون ما کمترین از پَگِ رسُولا آسْتم و لایقِ ازی ره نَدرُم

که رسُول گفته شُنم، چراکه جماعتِ ایماندارای خُدا ره آزار-و-

آذیت مُوكُدم. ۹ لیکِن دَ وسِیله فَیضِ خُدا آسْتم هر چیزی که

آسْتم و فَیضِ ازْوَ دَ وجودِ ازمه بَے فایده نَبُوده، بلکِه ما از پَگِ

ازوا کده کلوتَر زَحمت کشیدُم؛ اگرچه نَه خود مه، بلکِه فَیضِ

خُدا که قد از مه آسته زَحمت کشیده. ۱۰ پس چی خود مه، چی

اُونا، امی رقم مو خوشخبری ره اعلان مُونی و دَ امزی

خوشخبری شُمو ایمان آوردید.

دُوباره زِنده شُدوں مُرده ها

لیکن اگه اعلان مُوشہ که مسیح از مُرده ها دُوباره زِنده

شُد، چطور بعضی از شُمو مُوگیه که دُوباره زِنده شُدو از مُرده

ها وجود ندره؟^{۱۳} اگه دُوباره زِنده شُدو از مُرده ها وجود ندره،

پس مسیح ام از مُرده ها زِنده نَشده؛^{۱۴} و اگه مسیح دُوباره

زنده نَشده، ام مو عِظِه ازمو باطل آسته و ام ایمان از شُمو.

علاوه ازی، مو ام بَلِدِه خُدا شاهِدای دروغی جور مُوشی،^{۱۵}

چون مو دَبارِه خُدا شاهِدی دَدے که او مسیح ره دُوباره زِنده

کده، دَحالِیکه اگه مُردها دُوباره زِنده نَمُوشہ، او ره دُوباره

زنده نَکده.^{۱۶} چون اگه مُرده ها دُوباره زِنده نَمُوشہ، مسیح ام

دُوباره زِنده نَشده.^{۱۷} و اگه مسیح دُوباره زِنده نَشده، ایمان

شُمو باطل آسته و شُمو تا آلی ره دَگناه های خُو باقی آستید.

امْچُنان کسای که دَمسیح ایمان دَشتہ و مُرده، نابُود شُدہ.^{۱۸}

اگه تنها بَلِدِه امزی زِندگی مو دَمسیح اُمید دَری، مو از

پگِ مردُما کده بَدبَختَر آستی.

لیکن مسیح واقعاً از مُرده ها دُوباره زِنده شُدہ و اوّلین^{۲۰}

کسی آسته که از مینکلِ مُرده ها باله شُدہ.^{۲۱} چون امُو رقم

که مَرگ از طریقِ یگِ انسان آمد، امُو رقم دُوباره زِنده شُدو از

مُرده‌ها ام از طریقِ یک انسان آمد.^{۲۲} پس امُورِ رقم که دَگناهِ

بابای آدم پگ مُومره، امُورِ رقم دَقُربانی مسیح پگ زنده

مُوشه.^{۲۳} لیکن هر کس دَنویت خُو: مسیح اوّلین کسی که

دُبیاره زنده شد و بعد ازو دَوختِ آمدون شی کسای که دَزو

تعلق دَرَه.^{۲۴} بعد ازو آخر زمان مییه، وختیکه مسیح پادشاهی

ره دَخُدا، یعنی آته آسمانی تسلیم مُونه، وختیکه او هر

حُکمران و هر قُدرت و قُوت ره نابُود مُونه.^{۲۵} چون او باید تا

وختی حُکمرانی کُنه که تمامِ دشمنای خُو ره دَزیر پای خُو

پورته کُنه.^{۲۶} دُشمنون آخر که نابُود مُوشه، مرگ آسته.^{۲۷} چون

خُدا "تمامِ چیزا ره دَتَی پای ازو قرار دَدَه." لیکن وختیکه

مُوگیه "تمامِ چیزا دَتَی پای ازو قرار دَدَه شُد،" واضح آسته

که خودِ خُدا شاملِ تمامِ امزُو چیزا نَمُوشه که تَی پای ازو قرار

دَدَه شُد.^{۲۸} مگم وختیکه تمامِ چیزا تابعِ مسیح شُد، اوخته خودِ

مسیح که باچه خُدا آسته، تابع امزُو مُوشه که تمامِ چیزا ره دَ

تَی پای شی قرار دَد تا خُدا، تمامِ چیز دَبله تمامِ چیز بشه.

اگه مُرده‌ها هرگز دُبیاره زنده نَمُوشه، پس کسای که بَلدِه^{۲۹}

مُرده‌ها غُسلِ تعمید مِیگیره، چی مُوکنه؟ چرا اونا بَلدِه مُرده

ها غُسلِ تعمید مِیگیره؟^{۳۰} و مو چرا زندگی خُو ره هر ساعت

٣١ دَ خَطْرِ مِينَدَزِي؟ دَ اِفْتَخَارِي كَه دَ بَارِه شُمُو دَ حُضُورِ مَولَاي
مو مسيح عيسى دَرْم قَسْم أَسْتَه كَه ما هَر رَوْز دَ مُرْدَو بَرَابَر
آسْتُم. ٣٢ اَگَه ما فَقْط بَخَاطِرِ أَمِيدِ هَائِي إِنْسَانِي قد درِنَدَه هَاهَا
إِفْسُس جَنَّجَ كَدْم، ما اَزُو چَي فَايِدَه دَ دِسْت اوُرْدِيَم؟ اَگَه مُرْدَه
هَا زِنَدَه نَمُوشَه، «بَيِّد كَه بُخُورِي و وُجْهِي كُنَى، چُون صَبَاح
مُؤْمِرِي.» ٣٣ بازِي نَخُورِيد: «هَمْنِشِينِ بَد، اَخْلَاقِ خُوب رَه
فَاسِدِ مُونَه.» ٣٤ دَهُوش بَيِّد و از گُناهِ كَدو دِسْت بِكَشِيد؛
چُون بعْضِي كَسَا أَسْتَه كَه از خُدا هِيج شِناسِ نَدَره. اَي تُورَه رَه
بَلَدِه شِرْمَنَدون شُمُو مُوْكِيُم.

جِسْمِ دُوبَارَه زِنَدَه شُدَه

٣٥ ولَسَ اَگَه يَگُوكِس پُرسان كُنَه: "مُرْدَه هَا چَي رقم دُوبَارَه
زِنَدَه مُوشَه و قد چَي رقم جِسْم مِبيَه؟" ٣٦ آَيِ نادَو، چِيزِي رَه
كَه كِشت مُونَي، او زِنَدَه نَمُوشَه تاَكَه نَمُره. ٣٧ و چِيزِي رَه كَه
كِشت مُونَي، او تَنِه گِيَاه نِيَسْتَه كَه بُر مُوشَه، بَلَكِه فَقْط تُخَم
آسْتَه، چَي تُخَمِ گَنْدُم بَشَه يَا كَدَم تُخَمِ دِيَگَه. ٣٨ لَيِكِن خُدا
مُطَابِقِ خاست-و-اِرادَه خُو دَرْزُو جِسْم مِيدِيه و بَلَدِه هَر تُخَم جِسْم
خَود شَي رَه مِيدِيه. ٣٩ تمامِ گوشت هَاهَا يَيْگَ رقم نِيَسْتَه، بَلَكِه
گوشتِ إِنسَان يَيْگَ رقم آسْتَه، گوشتِ حَيَوانَا دِيَگَه رقم و

گوشتِ مُرْغَکو يَگ رقمِ دِيگَه و ماهِيا دِيگَه رقم. ^{٤٠} امي رقم

جِسم های آسمانی وجود دَرَه و جِسم های زمِيني، مگم شِكوه-
و-جلالِ جِسم های آسمانی يَگ رقم آسته و از جِسم های زمِيني

^{٤١} دِيگَه رقم. آفتَو يَگ رقم شِكوه-و-جلال دَرَه، ما هَتَو دِيگَه
رقم شِكوه-و-جلال دَرَه و سِتاره ها ام شِكوه-و-جلالِ دِيگَه رقم؛

دَ حَقِيقَت شِكوه-و-جلالِ يَگ سِتاره از دِيگَه سِتاره فرق دَرَه.

^{٤٢} دُوباره زِنده شُدُونِ مُرَدَه ها ام امي رقم آسته: چيزى كه
كِشت مُوشَه از بَيَن رفَتَنَى آسته، ولَى چيزى كه دُوباره زِنده
مُوشَه از بَيَن رفَتَنَى نِيه. ^{٤٣} او دَ خاري-و-ذَلت كِشت مُوشَه، دَ

شِكوه-و-جلال دُوباره زِنده مُوشَه؛ او دَ ضعِيفَى كِشت مُوشَه،

^{٤٤} دَ قُوت دُوباره زِنده مُوشَه. ^{٤٥} جِسمِ نَفَسَانِي كِشت مُوشَه، جِسمِ
روحانِي دُوباره زِنده مُوشَه. اگه جِسمِ نَفَسَانِي وجود دَرَه، جِسمِ
روحانِي ام وجود دَرَه. ^{٤٦} امي رقم ام دَ كِتابِ مُقدَّس نوِشته يَه:

”إِنْسَانٌ أَوْلَى يَعْنَى آدَم، يَكُونُ مَوْجُودٍ زِنْدَه جُورُ شُد.“ ولَى آدَمِ

آخر روح زِندَگَى-بَخش جور شُد. ^{٤٧} ليكِن روحانِي، اول نَمَد،

بَلَكِه اول نَفَسَانِي آمد و بعد اُزُو روحانِي. ^{٤٨} إِنْسَانٌ أَوْلَى از

زمِى بُود و خاکِي؛ إِنْسَانٌ دَوْم از آسمو. امُورِ رقم كه آدَم
خاکِي بُود، کسای كه از خاک آسته ام امُورِ رقم آسته؛ و امُورِ
رقم كه إِنْسَان آسمانِي آسته، کسای كه دَ آسمو تعلُّق دَرَه ام

امُو رقم آسته.^{٤٩} امُو رقم که مو شکلِ إنسانِ خاکی ره

گِرفتے، امُو رقم شکلِ إنسانِ آسمانی ره ام مِیگیری.

آی بِرارو، ما بَلِدِه شُمو امی ره مُوگِیم که گوشت و خون

نَمِيتنه وارِثِ پادشاهی خُدا شُنه و امچنان چِیزی از بَین رفتَنی

نَمِيتنه وارِثِ چِیزی شُنه که از بَین رفتَنی نِییه.^{٥١} اینه، ما بَلِدِه

شُمو یگ راز ره مُوگِیم: پگ مو نَمُومُری، بَلِکِه پگ مو تبَدِیل

مُوشی، دَیگ لحظه، دَیگ کِرپک زَدو، دَغَیتِیکه شیپُور^{٥٢}

آخر زَده مُوشه. چُون آواز شیپُور بُر مُوشه و مُرده ها دُوباره

زنِدہ مُوشه زِنِدہ از بَین نَرَفتَنی؛ و مو تبَدِیل مُوشی.^{٥٣} چُون

ای جِسم از بَین رفتَنی باید یگ جِسم از بَین نَرَفتَنی بُپوشه و

ای جِسم مُرَدَنی باید یگ جِسم آبَدی بُپوشه.^{٥٤} پس وختِیکه

ای جِسم از بَین رفتَنی امُو جِسم از بَین نَرَفتَنی ره پوشید و

جِسم مُرَدَنی جِسم آبَدی ره پوشید، اوخته امی تورِه که نوِشته

شُدہ پُوره مُوشه:

”مَرَگ دَوسِیلِه پیروزی قُورت شُد.“

”آی مَرَگ، پیروزی تُو کُجا آسته؟^{٥٥}

“آی مَرَگ، نیش تُو کُجا يَه؟”

نیشِ مرگ گناه آسته و قدرتِ گناه، شریعت.^{۵۷} مگم خدا ره شُکر که او د وسیله مولای مو عیسی مسیح بله ازمو پیروزی میدیه.^{۵۸} امزی خاطر آی بارون عزیز، قایم و استوار بُمنید. همیشه د کارِ مولا پیشی بگیرید، چون شُمو میدنید که زحمت شُمو د خدمتِ مولا بے فایده نییه.

جم کدون کومک بله ایماندارای ضرورتمند

۱۶ آلی د باره جم کدون کومک بله مقدّسین: امو رقم که د جماعت های ایماندارای غلاتیه هدایت ددم، شُمو ام امو رقم کنید.^۱ د روز اول هر هفته، هر کدم شُمو یگ هدیه د مطابق عاید خو جدا کده پس انداز کنید تا د وخت آمدنون مه د پیسه جم کدو ضرورت نشنه.^۲ و غیتیکه ما برسُم، کسای ره که شُمو تایید کنید، قد خط ها ریی مونم تا هدیه شُمو ره د اورشلیم بُره.^۳ و اگه صلاح شد که ما ام بورم، اوخته اونا قد ازمه یگجای موره.

نقشِه پولس بَلِدِه سَفَرِ آيَنْدَه

وختیکه از ولایت مَقدُونیه تیر شُدم، دَپیش از شُمو میَمیَم؛^۵ چون قَصَدَ دَرْمَ که از مَقدُونیه تیر شُنم^۶ و اِمکان دَرَه که قد شُمو بُمْنُم و حتی زِمستو ره دَأُونجی تیر کُنم تا شُمو مَره دَه ره جایی که بورُم کومَک کده رَبی کُنید.^۷ اِم دفعه نَمیخایم که شُمو ره دَسِر راه بِنگرم، چون اُمیدوار اَسْتُم که یگ مُدَّت ره قد شُمو بُمْنُم اگه مَولا اِجازه بِدیه.^۸ مَگم تا وخت «عِیدِ روزِ پِنجاهم» دِإِفِسُس مُومِنْم،^۹ چراکه یگ درگَه کَنه و تاثیرگذار بَلِدِه خِدمت مه واز شُده، ولے مُخالِفا ام کَلو أَستَه.

اگه تِیمُوتائوس پیش شُمو بیَه، تو خ کُنید که دَمینکل شُمو بُدُون ترس بُود-و-باش کُنه، چون او ام دَکارِ مَولا مَشْغُول استَه، امُو رقم که ما اَسْتُم.^{۱۰} پس هیچ کس او ره خار-و-حقیر حِساب نَکُنه. او ره دَصلح-و-سلامتی سُون راهِ شی رَبی کُنید تا پیش ازمه بیَه، چون ما قد دِیگه بِرارو چِیم دَراه اُزو اَسْتُم.^{۱۱} دَبارِه بِرار مو آپولس، ما او ره کَلو تشویق کُدُم که قد دِیگه بِرارو دَپیش شُمو بیَه، لیکن هیچ راضی نَشَد که دَامزی زمان بیَه؛ مَگم وختیکه فرصت پَیدا کُنه، او میَمیَم.^{۱۲}

۱۳

هُوشیار بَشِید، دَ ایمان خُو قایم-و-أُستوار بُمنیید، باجْرَات و
قوی بَشِید. ^{۱۴} بیلید که تمام کارای شُمو قد مُحَبَّت قَتَنی بَشه.

۱۵

آی بِرارو، شُمو مِیدَنید که خانوارِ استیفان اوّلین کسای بُود
که از ولایتِ آخیا ایمان آورد و خودون ره بَلَدِه خِدمَتِ مُقدَّسِین
وَقف کد. پس از شُمو خاھِش مُونُم ^{۱۶} که شُمو امزی رقم مردُما
إطاعَتْ كُنِيد و ام از هر کسی که قد ازوا کار و زَحمَتْ مُونه.
از آمدونِ استیفان و فورْتُوناٹس و آخَيِکاس خوش شُدُم، ^{۱۷}
چراکه کمبُودی شُمو ره اُونا پُوره کد؛ ^{۱۸} چُون اُونا روح ازمه و
از شُمو ره تازه کد. پس امی رقم آدما ره بِنَخَشِید.

سلام های آخری

۱۹

جماعت های ایماندارای ولایتِ آسیا، قد جماعتِ ایماندارای
که دَ خانِه ازوا أَسْتَه، ام بَلَدِه شُمو دَ نَامِ مَولا سلام های گرم
رَبِّی مُونه. ^{۲۰} تمام بِرارو دَز شُمو سلام رَبِّی مُونه. یگَدِیگَه خُو
ره قد رُوی ماخی مُقدَّسانه سلام بُکِید.

۲۱

ما پولُس امی دُعا-و-سلام ره قد دِستِ خود خُو نوشتہ کدیم.
اگه کُدَم کس مَولا عیسیٰ ره دوست نَدره، دَزُو نالَت باد. «^{۲۲}

يا مَوْلَا، بِيهِ!» ^{۲۳} فَيَضِّ مَوْلَا عِيسَى نَصِيبِ شُمُو شُنَه.

مُحَبَّت مَهَ دَ وَسِيلَه مَسِيحِ عِيسَى نَصِيبِ پَگ شُمُو شُنَه، ^{۲۴}

[آمين.]